

**Nwa wù fwe wù Bol gè san fε
kintaashε ki
Kolεη le**

**Fiε fi le a Nwa wu Kolεη wù
fwe wunε le**

Kintaashε ki bamii ba mbεmε ki Kolεη gè kε Bol. Wu gè san ηwa wù fwe wunε ki wu tēfε bo kune fitele fi bo leese yi Kletu le mo mwεε mumu kune Kletu. Kolεη yanε gè bee kijusε ki waan gè juune lo yo, bamii ba yo chiaase ye kune kinche ki won wuboo, fiε fi kune nyien yi kinjan nyume tε yo baan, bo tε buune banyo ba duude. Bol jεme wu chiise a ηwa wunε le kune mwεε mù mbefe mù gè kooshi antenεε a bamii ba mbεmε. Baηwa ba 13 a ηwa wunε le duunyi lε kinkonε le nnya yi Nyo yĩ fede lo nnya yichii. Baηwa ba 13 bayu duunyi lε le kimbe ki bamii kee ki baan a ηwa wuyu wunε le.

Bikwεε bi mwεε mù le a Nwa wunε le

1:1-9 Fεηkεε

1:10-4:21 Kingaye antenεε a kintaashε ki bamii ba mbεmε

5:1-7:40 Kune kinche ki nyien yi kinjan mo ki kwεse bε jwεηsε

8:1-11:1 Kune bamii ba Kletu bε ba le gε bamii ba Kletu gε

11:2-14:40 No tanlo kintaashε ki bamii ba mbεmε gēε mwεε bε je yĩ bo būune yu

15:1-58 Bamii ba mbεmε lé bo gē bo bū yi kwe le no Jiso gè bu

16:1-4 Nnya yi bo gè nyaa ki bo fi bamii ba Kletu
ba Judia yu

16:5-24 Nseese wù Bol gè gee mo kimese ki mwee

¹ Le me wù Bol wù Nyo gè bale no wu gè goone, le
me nyúme mwa ntun wu Kletu Jiso. Nle be Sostene
wù mwa bwe wese besaben.

² Nwa wune geene fe kintaashe ki bamii ba Nyo
ba Kolɛŋ ba wu le wu baa wu taashe wu gee yeye
be Kletu Jiso. Nyo gè bee wu baa ben le ben nyúme
bamii be ba mbeme, mo bamii bachii ba tene jee
chi Tada Jiso Kletu manjuu le manchii. Wu le Tada
wuboo yeenyeen no wu le wese besaben.

³ Nyo wù Chiji wese besaben be Tada Jiso Kletu
dúnye fitele fi jone fe ben le, bo ka bo nyá ben be
muntele mù nyiegee.

Bol nya kiyone no Nyo le wu buu bamii ba Kolɛŋ

⁴ Nto nnya kiyone Nyo wan le segechii nje ben,
nje nfii wù Nyo nya fe ben le, no ben le ben taashe
bena ba Kletu Jiso.

⁵ No ben le ben taashe bena ba wu noo, Nyo mo
wu chvu lo nnya ye yi ben le je le yichii, ben ka kee
ki ben jeme fee fichii chuule be ki ben kee fee fichii.

⁶ Nnya yine fe ben le, yi toone saaka wù ben gè yu
wa kune Kletu no ben ge fi.

⁷ Noo, mese ge ben fuge nnya yi Nyo yimi ge,
no ben chieene kife ki Tada wese besaben wù Jiso
Kletu le wu ge wu kaase wu to ben yen wu le.

⁸ Wu wù Tada wese besaben wù Jiso Kletu, le wu
ge ben lème ben tème geene mese, ben ge to ben
keme jiale yi juu che chiyu le ge.

⁹ Nyo le Nyo wù to wu lɛme gɛh yi jɛ ye le. Le wu wù gɛ balɛ bɛɲ, bɛɲ bɛ Mwa ye wù Jiso Kletu wù le Tada wese besabɛɲ le bɛɲ taashɛ bɛɲ tu yi fiɛɛ le fimimia.

Nteefɛ kune kingaye

¹⁰ Boonj ba bwɛɛɲ, nɛge bɛɲ a jee chi Tada wese besabɛɲ wù Jiso Kletu le ɛ bɛɲ bachii tâashɛ bɛɲ nyûme jwe wu mumwaa. Keefɛ kingaye nyûme a bɛɲ ntɛnɛɛ gɛ. Bɛɲ nyûme yi muh le wu mumwaa, bɛɲ kême ɲkwajɛ wu mumwaa, bɛɲ lêne yi fiɛɛ le fimimia.

¹¹ Njɛme nɛ boonj ba bwɛɛɲ, nje bamii ba a Kloy yeh le bo sɛɛɲ wa mɛ ɛ bɛɲ kɛme waa a bɛɲ ntɛnɛɛ.

¹² Fiɛɛ fi njɛme le ɛ, muh jade wu mo wu duu ɛ wu bii fie nyu Bol le, muh mu duu ɛ wu bii nyume Abolo le, muh mu ɛ wu bii Sɛfa le,* muh mu ɛ wu bii gɛh fie nyume Kletu le.

¹³ Fi le ɛ ba le ba ga wa Kletu bimbe le bimbe le? Le Bol wu ba gɛ ta yi kintaɲ le nje bɛɲ? Noo ba gɛ leese bɛɲ a joo a jee chi Bol le le?

¹⁴ Nnyaa kiyone Nyo le baɲ ɛ ɲgɛ mbaɲ nleesɛ gɛ muh mu bɛɲ le a joo gɛ fede Klisbu bɛ Gayu gɛ,

¹⁵ wu ɛ keefɛ muh ja wu dûu ɛ ba gɛ leese wu a joo a jee chanj le gɛ.

¹⁶ Ehɛɛɲ, ɲgɛ nleesɛ tɛ Tɛfina bɛ bamii ba a wu yeh a joo. Fede noo sɛɲ, mbaɲ ka kɛɛ gɛ muh mu wù ɲgɛ nleesɛ a joo gɛ.

¹⁷ Bɛɲ kɛɛ ɛ gɛ Kletu gɛ ntunj mɛ ɛ ntô nlêese bamii a joo gɛ. Wu gɛ ntunj ɛ ntô nfêeji nyume saaka we wù jonɛ. Gɛ nfêeji bɛ jɛ yi bvufɛe bv

* **1:12** Jee chi Sɛfa chinɛ le tɛ ɛ Bitɛ.

muh wu wuŋ le gɛ, wu le keefɛ bvunɣa bvu kwe yi Kletu gɛ kwe yi kintaaŋ le ja tũ fiɛɛ fi achiji gɛ.

Kletu le bvunɣa bɛ bvufɛe bvu Nyo

¹⁸ Fi le le saaka wũ le Kletu gɛ kwe yi kintaaŋ le, le kiyuŋ fɛ bamii ba lɛɛse achiji le. Geenɛ, saaka wunɛ le bvunɣa bvu Nyo fɛ besabeŋ ba wu bvuuŋ le.

¹⁹ Fi le ba gɛ saŋ le,
“Nlé ɲgɛ nchiiɛ bvufɛe bvu bamii ba duunyi
bvufɛe,

nchɛŋɛ bɛ baŋkwaje ba bamii ba feefe.”

²⁰ No fi le noo, bamii ba taŋlo bo ka bo dũunyi bvufɛe mɛɛse le faaŋ? Bamii ba duunyi banchi ba Nyo le faaŋ? Bamii ba tɛɛnyi kintɛɛnyi kife kinɛ le, le faaŋ? Gɛ Nyo nyu wu dunyɛ wa le bvufɛe bvufɛkuu fɛnɛ le kiyuŋ gɛ?

²¹ Le fiɛɛ fi Nyo wũ kɛme bvufɛe bvuchii gɛ ge le gɛ taŋlo bamii ba yi wonɲ kfunɛ le kɛɛ wu bɛ bvuboo bvufɛe gɛ. Wu gɛ seesɛ le wu taŋlo wu bvusɛ nyume bamii ba bɛɛŋ saaka wũ bee feeji wunɛ bamii yɛde le le kiyuŋ.

²² Bajuu goone ki bo yɛŋ fiɛɛ fi duunyi bvunɣa bvu Nyo le fɛ bo bɛɛŋ, Baglek goone bvufɛe bvu fiɛɛ le fɛ bo bɛɛŋ.

²³ Geenɛ, bee feeji fiesa kune no ba gɛ ta Kletu yi kintaaŋ le, fi ka fi nyu lo kinjeesɛ fɛ Bajuu le. Bamii ba le gɛ Bajuu gɛ yɛde le le kiyuŋ.

²⁴ Geenɛ, fɛ bamii ba Nyo le wu cha le, kɛnɛ le Bajuu, kɛnɛ le Baglek, le saaka wũ kune Kletu wunɛ le bvunɣa bvu Nyo bɛ bvufɛe bvu Nyo bvũ baan.

25 Fi le noo, nje fiεε fi yene le le kiyun ki Nyo, le bvufee bvù fede lo bvù muh wu wun le bvuchii. Fiεε fi yene le le kiwεεyε ki Nyo, le bvunga bvù fede lo bvù muh wu wun bvuchii.

26 Boon ba bwεεn, beη ka beη kwâjε kfuu chi bamii ba beη gè shee beη nyume sege Nyo gè cha beη. Ge beη ba duude gè bee bamii ba bvufee no bamii ba fεkuu fεnε goone ge. Ge beη ba duude gè bee bako ge. Ge beη ba duude gè bu a chikfuu chi bamii ba baan baan le ge.

27 Geenε, Nyo gè cha biyun bi yi nshen le fεnε ki wu gè le ba bvufee nyûme be bvuya, wu cha ba wεεyi yi nshen le fεnε ki wu gè le ba tême nyu be bvuya.

28 Nyo gè bee wu cha mwεε mù bamii jode fεkuu yi won kfunε le, mo mwεε mù bamii nyienεse, wu cha mo mwεε mù ya le ge mwεε ge, ki wu gè le mwεε mù bamii yede le le mwεε tû mù achiji.

29 Wu gè ge noo, wu le keefe muh wu wun chiaase ye a Nyo jii ge.

30 Le wu wù Nyo wu gè taashε beη be Kletu Jiso. Wu gè ge Kletu nyu je yî bvufee bvù baan fε besabeη le, wu gè leesε tε besabeη chaan a wu jii, wu seesε besabeη wu geε bamii be le, wu suun besabeη chiaan yi nge le.

31 Fi mo fi nyume no ba san a Nwa wu Nyo le le, “Muh doo wu chiaase ye, wu chiaase nyume yi fiεε fi ge Tada le.”

2

Saaka wù le le ba gè ta Kletu yi kintaan le

¹ Boonj ba bwεεη, beη kwâje sege ngè nto fε beη le ki nfeje saaka wù Nyo beη le wù gè shee wu nyume nyile le. Ngè mbaan nto gε fianj ki nfêje bε je yi yege kεnε bvufee bwanj gε,

² nje ngè fanj lo sege ngè bee a beη ntenεε le gε mε nyume ngêε bvufee yi fiεε fimi le gε fede ki nfêeji gε nyume kune Jiso Kletu maa, fede munchii, no ba gè ta wu yi kintaanj le.

³ No ngè bee besabεη, ngè wεεyi lo, nfaane wesee, ηkoge.

⁴ Sege ngè njεme nfeeji saaka wù jonε beη le, ngè mbaan njεme gε nyu bε jé yi bvufee yi yege gε. Ngè njεme no bvunja bvu Kiyο ki Yuude nduunyi.

⁵ Ngè gee noo, wu le keefe beη lêεε fitele yi bvufee bvu muh wu wunj le gε, geenε le beη lêεε nyume yi bvunja bvu Nyo le.

Bvufee bvυ Nyo

⁶ Bamii ba lεme wa bε Nyo bo tεεme, bee to be nyaa bvufee bo le. Gε bvufee bvunε nyume bvυ fεkuu fεnε kεnε mo bvυ yεεη wù sage fεkuu fεnε mεεε. Bobaa le bamii ba bvunja bvuboo lé bvυ gè bvυ lêεε achiji.

⁷ Bvufee bvυ Nyo bvυ baan bvù bee feeji bvunε le fiεε fi gè shee fi nyume nyile le bamii kee gε. Bvufee bvuyυ gè seese Nyo baan lo fε wonj kε, ki fi yù fi tó bε bvukugε fε besabεη le.

⁸ Gε bvufee bvunε nyu muh mu ηgoo yi bamii ba sage kife kinε le, gε bo kee kinyi kiyu gε, nje gè bee bo kee tu bo gè baan ta gε Tada wù kεme bvukugε bvuchii yi kintaanj le gε.

⁹ Geenε, fε besabεη le no ba gè sanj le,
“Mwεε mù ajii gè baan a yεη gε,

mù kintunj gè baan a yu gɛ,
 mù muh gè baan a kwajɛ gɛ,
 mu munɛ le mù Nyo gè seesɛ fɛ bamii ba konɛ wu
 le.”

¹⁰ Nyo le wu ge Kiyo ke dunyɛ mwɛɛ munɛ besabɛn
 le. Kiyo ki Nyo to ki taade mwɛɛ munchii, ki taade
 mo kinyilɛ ki Nyo,

¹¹ nje gɛ tanlo muh mu kɛɛ fiɛɛ fi muh mu kwaji fɛ
 fitele fie le fede kiyo ki mwɛdɛ kɪ le yi ye ye le gɛ. Le
 gɛh yɛɛnyɛɛn no gɛ tanlo muh kɛɛ fiɛɛ fi Nyo kwaji
 fede Kiyo ki Nyo gɛ.

¹² Gɛ Kiyo ki Nyo gɛ nya besabɛn le nyume ki yi
 won kfunɛ le gɛ. Kiyo kinɛ gɛ ja fɛ Nyo le, ki ge
 besabɛn kɛɛ nya yichii yi Nyo le wu buu besabɛn
 yu.

¹³ Bee mo be feeji mwɛɛ munɛ nyume gɛ, bɛ jɛ yi
 ba yɛyi bɛ bvufɛɛ bvɛ muh wu wun gɛ. Bee feeji
 nyume bɛ jɛ yɪ yɛyi Kiyo ki Yuude bee yu, bee naji
 mwɛɛ mù nchiɛɛn mu Kiyo ki Yuude, fɛ bamii ba
 kɛmɛ Kiyo ki Yuude le.

¹⁴ Gɛ muh wù baan a kɛmɛ gɛ Kiyo ki Yuude yi ye
 ye le gɛ, to wu fii mwɛɛ mu Kiyo ki Nyo gɛ. Wu jade
 fie wu tu wu yɛdɛ lɛ le mwɛɛ mu kiyun. Gɛ tanlo
 wu kɛɛ no mu le gɛ, nje le mwɛɛ tanlo ge gɛh nyume
 Kiyo ki Yuude fɛ muh kɛɛ.

¹⁵ Geenɛ, muh wù Kiyo ki Yuude le yi ye ye le
 tanlo wu taa fiɛɛ fichii chuule wu kɛɛ kinyi kiyu, gɛ
 muh nyume yu wù tanlo wu taa mwɛɛ mu wɛɛ muh
 gɛ.

¹⁶ Fi le ba sanj lɛ,
 “Gɛ muh nyume yu wù kee fiɛɛ fi Tada kwaji,
 wu lɛ wu tɛfɛ Tada gɛ.”
 Geenɛ, besabɛn kɛmɛ nyume banjkwajɛ ba Kletu.

3

Bamii ba Kletu nyũme jwe wu mumwaa

¹ Boonj ba bwεεη, sege besabεη gè bee, gε ηgè tanjo njεme bεη le njε bamii ba yuge wa nyume Kiyo ki Yuude le gε. Ngè njεme bεη le njε bamii ba baanj bo bii nyume mwεε mù nyanj yi ye goone le, mo ba baanj njε mumwone mu mbwele yi Kletu le.

² Ngè nnyaa nyume ambεη bεη le. Ngè baanj nnyaa gε mwεε munjile mù tεεme gε, nje bεη gè baanj a ta gε. Mo too bude mεεse bεη baanj a ta gε.

³ Bεη baanj bεη bii gεh nyume mwεε mù nyanj yi ye goone le. No bεη baanj bεη ghεge kinghε, bεη waade waa a bεη ntenεε, tu gε finε fiεε duunyi lε bεη bii nyume nyanj yi ye le gε? Gε finε fiεε duunyi lε bεη baanj bεη kεme gee chi bamii ba fεkuu fεnε gε?

⁴ Muh jade wu duu lε wu bii nyume Bol le, muh mu lε wu bii fie nyume Abolo le, tu gε finε fiεε duunyi lε bεη gee nyume gee chi bamii ba fεkuu fεnε gε?

⁵ Abolo le yεεη, Bol nyume yεεη? Bee bachii le gεh lo boonj ba lεme ba Tada ba gè fε, fε bεη leesε fitele yi ye ye le, muh lεne che lεme no Tada nya wu le.

⁶ Chanj lεme gè bee lε mboonj nyume ηgo, chi Abolo le, nfuushε joo, geenε, gee Nyo fε yi kũu.

⁷ Noo, gε muh wù boone ηgo bε muh wù fuushi joo kooji fiεε gε. Le gεh Nyo maa wù gee fε yi kũu.

⁸ Muh wù mbonε bε wù nfuushε joo le gεh yεεηyεεη, Nyo lé wu gē wu maaajε muh wuchii bii yi lεme che le.

⁹ Bee le be taashε bee lεne lεme chi Nyo. Bεη mo bεη nyume mwε wù Nyo bεη ka nyume yeh ye.

¹⁰ Mo no ηgè nleesε kichi ki yeh yiyu nje muh wù njonε wù kee lεme che chuule mbii nfii wù Nyo gè nya mεne. No ηgè nleesε noo, muh mu mo wu joone yeh yiyu. Noo sege muh joone yi kichi kinε le, wu mo wu kēe no wu joone.

¹¹ Bεη kēe lε kichi mε gεh kī ba gè leesε wa kī le Jiso Kletu, gε tanlo muh ka wu leesε kimi gε.

¹² Bamii mo bo tu bo joone yi kichi kiyu le bε mwεε yeye yeye. Muh mu ja wu jo nyume kichwa kī yεede, muh mu jo kī baan, muh mu jo ata a tεeme fε wu joone yu. Muh mu jo nyume bite, muh mu agaaj, muh mu jégε fε wu jóone yu.

¹³ Bo nε joone nεε, tu juu too lo chí bo lé bo gē bo yēη no lεme chi muh le, sege chi bu fε waaj Juu chí Kletu lé wu gē wu tōo bε ηgu, ηgu wuyulé wu gē wu mōne lεme chi muh, ba yede no chi le.

¹⁴ Nε fiεε fi muh wu joone yi kichi kiyu le mε gεh nje fi fie sεη, mwεde mo wu kēme maajε.

¹⁵ Nε fi fie lo, mwεde lêse maajε we, wu bε kikwεε ke bōnε, geenε gεh nje muh wù fe yi ηgu le.

Bamii ba Kletu le yeh yi kintanyε yi Nyo

¹⁶ Gε bεη kee lε bεη le yeh yi kintanyε yi Nyo, Kiyo ke ki wu wù Nyo chēe yi ye yene le gε?

¹⁷ Nε muh chεηε bε yeh yiyu, tu Nyo le wu lêeshε lo mwεde, nje yeh yi kintanyε yi Nyo yuude lo, bεη nyume yeh yiyu.

¹⁸ Keefε muh lêede bε kikwεε ke gε. Nε muh mu bεη le kwaji lε wu kēme bvufee yi wonj kfune le, wu tu kiyun wu lε wu kēme bvufee bvù bvufee.

19 Njeme ne nje mwεε mù bamii ba fεkuu fεne yede le le bvufee, Nyo yede le le kiyun. Le fi fi ba gè san le,

“Nyo jode gεh nyume bvufee bvu bamii ba feefe, wu koode bo yu.”

20 Fi ka nyume ba san le,
“Tada kee le mwεε mù bamii ba bvufee kwaji, nyume lo mù achiji.”

21 Fi tu fi nyume le, keefe muh chîaase ye le muh mu le we gε, nje mwεε munchii le mwεna.

22 Bol kεne Abolo kεne Sefa kεne won kfunε kεne kinche kεne kwe kεne mwεε mu mεese kεne mu baan ki mu gè mu nyume, le mwεna munchii,

23 beη le ba Kletu, Kletu nyume wu Nyo.

4

Keefe bamii ba Kletu chîaase ye bε muh gε

1 Fi jonε le beη jôde le bee le boon ba lεme ba Kletu ba Nyo le wu nya lεme che chi saaka wù gè shee wu nyume yi nyile le chiaan yiboo le.

2 Fi to fi nyume le, muh wù ba le ba nya lεme chiaan ye le kεme ki wu gēe no chiji kikwεε we goone.

3 Fε mεne, gε beη, kεne yeh yi nsa yimi sage mε, n'yêne le le fiεε gε. Gε tanlo nsâ mo kikwεε kan gε.

4 Gε fiεε nyume yu fε fitele fian le fi sage mε gε. Geenε, gε fifiεε mo duunyi le n'yuude lo gε. Le gεh Tada wu lé wu gè wu sâ mε.

5 Noo, keefe beη sūune nsa nje kife kojε ka sεη gε. Beη chîεεη Tada to. Le wu wù lé wu gè wu bvûse mwεε fε waan mù le kijibε le mεese mù ba gè nyile, wu bwaashe mwεε mù bamii kεme shéη yiboo le.

Noo, Nyo mo wu bɛɛŋsɛ muh wuchii wu ba kɛmɛ ki ba bɛɛŋsɛ.

⁶ Boon ba bwɛɛŋ, mwɛɛ munɛ mu njɛmɛ kune besa Abolo le ki mu fi bɛŋ, wu ɛ bɛŋ yɛyɛ a bee le ɛ bɛŋ gɛɛ mwɛɛ bɛŋ bii gɛh nyumɛ no ba san. Noo, bɛŋ gɛ ka bɛŋ chɛaase yɛ bɛ muh mu bɛŋ jode muh mu fɛ kuu gɛ.

⁷ Gɛ yɛɛŋ ɛ bɛŋ nyumɛ yeyɛ fɛ muh mu le? Le la fi bɛŋ kɛmɛ fi le njɛ ba nya lo bɛŋ le sɛŋ? No fi le noo, bɛŋ jiɛnyi nɛɛ fɛ bɛŋ tu bɛŋ chiaase yɛ njɛ ba nya lo bɛŋ le gɛ?

⁸ Gɛ bɛŋ fɛnɛ jode ɛ bɛŋ kɛmɛ wa fiɛɛ fichii, bɛŋ le wa bamii ba bvukugɛ, bɛŋ sage wa njɛ banfon bee fo sɛŋ? Muh jô ɛ bɛŋ be bee wa banfon wu ɛ bee bôn a bɛŋ le, bee sâgɛ bachii.

⁹ N'yɛdɛ ɛ Nyo le wu tu wu gɛɛ bee ba le boon ba ntun ba Jiso bakijimɛ. Bee le njɛ bamii ba ba gɛɛnɛ ki ba yuuyɛ lakfulɛ. Bee le be tu wa kinjiinyi yi won kfunɛ le kɪ bamii bɛ banchɛndaa ba Nyo jɪɪŋɛ.

¹⁰ Bee le be tu wa biyun njɛ Kletu, gɛɛnɛ bɛŋ le bamii ba Kletu ba feefe. Bee le bamii ba wɛɛyi, bɛŋ nyu ba tɛɛmɛ. Bamii ŋgvuunɛ bɛŋ, bo jode bee fɛkuu

¹¹ Kɛgɛ lo to bu mɛɛsɛ, bee le jɛŋ, kindon yunɛ bee. Bee jiide nyumɛ munchanɛ mu njú, bamii nyiɛgɛ bɛ bee, bee kɛmɛ gɛ fɛ bee chee fo gɛ.

¹² Bee lune bee lɛnɛ bɛ chiaan yɛsɛ fɛ bee jɪi. Segɛ bamii naanyi bee, bee tu bee lɛgɛ gɛh nyumɛ kimbonɛ fɛ bo le. Bo doo bo boonɛ bikaa a bee jin, bee kaanɛ gɛh nyumɛ shɛŋ.

¹³ Segɛ bo jɛmɛ jɛ yi befe bee le, bee chvuse gɛh nyumɛ bɛ yi jiɛɛ. Too bude mɛɛsɛ, bee le njɛ mwɛɛ

mu ba non a kinɲon le. Bee le be tu wa chvune wu mwɛɛ yi won kfunɛ le.

¹⁴ Gɛ nsaɲɛ mwɛɛ munɛ fɛ bɛɲ le nɛ lɛ ngoone lɛ ngê bɛɲ kême bvuya gɛ. Nteefe lo bɛɲ nɛ boon ban ba le fitele fian.

¹⁵ Mo bɛɲ kɛme bamii nɛ tanlo ba tan sɛɲ, ba yɛyi bɛɲ kune Kletu, gɛ bɛɲ kɛme bachiji bena weseɛ gɛ. Le mɛ wù chiji wene, nɛ gɛ mɛ fɛ bɛɲ taashɛ bɛ Kletu Jiso sege ngɛ nfeɛ saaka we wù jonɛ bɛɲ le.

¹⁶ Noo, ntu nɛge lɛ bɛɲ tɔome kikaa kena gɛh no ntoome kan.

¹⁷ Le fiɛɛ fi ntune Timoti fɛ bɛɲ le wù le mwa yan yi Tada le. Wu le fitele fian, wu lɛme tɛ yi saaka wunɛ le bɛ fitele fimimia. Wu lé wu tɔ wu ka wu tân bɛɲ no kinche kan le nɛ muh wu Kletu. Fiɛɛ fi wu lé wu gê wu sêɛɲ le gɛh fi fi nɛɲni n'yɛyi bintaashɛ bi bamii ba mbɛmɛ yu bichii manjuu le manchii.

¹⁸ Bamii bamu le wa bo ɲage lo ye nɛ bo kwaji lɛ gɛ mbaan ɲka nto fɛ bɛɲ le gɛ.

¹⁹ Geenɛ, Tada nɛ bɛmɛ lo, tu shɛshi shige ɲka nto. Ndoo nto, fɛ n'yɛɲ laa bamii ba ɲage bayu kune nyume jwe noo bo kɛme kfuu chi bvunɲa bvù la lɛ,

²⁰ nɛ gɛ bvunfon bvù Nyo nyume fiɛɛ fi ba kune nyume jwe gɛ, le fi bvunɲa bvù jade fɛ Nyo le.

²¹ Bɛɲ konɛ lɛ ɲge ntoo nɛɛ? Bɛɲ konɛ lɛ ɲge ntoo bɛ ɲgwan noo, kinɲonɛ, bɛ fitele fi nyiɛgeɛ le?

5

Ba bvùsɛ muh wu nyiɛɲ yi kinjan a bamii ba Kletu ntɛnɛɛ

¹ Ba le ba tee mɛne lɛ muh mu a bɛɲ ntɛnɛɛ le wu kɛ wa kinche ki nyiɛɲ yi kinjan. Nyiɛɲ yi kinjan

yine le yĩ tanlo bamii ba le gɛ Bajuu gɛ, gɛ monj gɛ. N'yuge lɛ muh mu a bɛn ntɛnɛɛ jode kwɛ chiji.

² Bɛn yɛn kfuu chi yine nyienj le nɛ, fɛ bɛn bɛede lo sɛn, bɛn tu bɛn chiaase lo ye? Bɛn kɛme ki bɛn bvûsɛ lo kfuu chí wuwɛɛ muh wù mone fiɛɛ fiyu a bɛn ntɛnɛɛ.

³ Mo no mɛ nyume gɛ a bɛn jii gɛ, nle besabɛn a kiyo le. Nle nsuunɛ wa nsa gɛh njɛ nle besabɛn kune muh wù monj kfuu chi fiɛɛ fiɛɛ.

⁴ A jee chi Tada wese besabɛn wu Jiso le bɛn doo bɛn shii, mɛ nyume besabɛn a kiyo le, bvungɛa bvu Tada wese besabɛn wù Jiso nyume tɛ fo,

⁵ bɛn jô wuwɛɛ muh, bɛn nyâ chiaaŋ yi Satanj le, wu chɛnɛ bɛ nyanj yi ye ye, kiyo ke gɛ ki bonɛ juu chí Tada le wu kaasɛ wu to.

⁶ Bɛn chiaase ye nɛ, fi jonɛ gɛ. Gɛ bɛn kee lɛ ba jode kinshilɛ nɛ shigɛ ba tojɛ a mune le, ki mo ki fɛ mune chiyu chichii bɛɛnyɛ gɛ?

⁷ Bɛn bvûsɛ kinshilɛ kɪ le kinche kɪ kege a bɛn ntɛnɛɛ, bɛn mo bɛn nyume bamii ba, ba fɛ njɛ chefe yĩ ba baan gɛɛ gɛ kinshilɛ yo gɛ, le no bɛn le. Gɛ bɛn kee lɛ Kletu le Mwa Shonj wù Nyo gɛ ge kintanyɛ yu fɛ besabɛn le njɛ wù ba to ba sɛɛyi sege Nka wu Ndanfɛ gɛ?

⁸ Noo, besabɛn le njɛ bamii ba jii Nka wu Ndanfɛ nyume bɛ blɛd wù ba baan gɛɛ gɛ kinshilɛ yo wù le muntele mù yuude mo nchiɛɛn. Keefɛ besabɛn nyûme njɛ bamii ba jii Nka wunɛ nyume bɛ blɛd wù kege wù ba le ba gɛɛ kinshilɛ yo ki le kinche kɪ befe mo kinjɛ kɪ befe gɛ.

⁹ A nwa wu ngɛ nsan fɛ bɛn le, ngɛ nsan lɛ keefɛ bɛn tâashi bɛ bamii ba gee nyienj yi kinjanj gɛ.

¹⁰ Gε ηgè njεme nyume kune bamii ba yi won kfunε le bô gee nyien yi kinjan, kenε ba yεede ajii yi mwεε le, kenε ba ηgode manjuu ba jode mwεε mu bamii, kenε ba buune banyo ba achiji gε. Nε le bo baa, tu beη kεme ki beη jâ lo yi won kfunε le.

¹¹ Ngè njεme nyume ε keefε beη tâashi bε muh wù tεne kikwεε ke ε wu le mwa bwe wese besabeη yi Kletu le, wu ka jaηe kinjan, kenε wu yεede ajii yi mwεε le, kenε wu buune banyo ba achiji, kenε wu naanyi bamii, kenε wu muu mbvuun mo kooδε, kenε wu ηgode manjuu wu jode mwεε mu bamii gε. Keefε muh môη lo wu jî mwεε bε kfuu chi wεε muh gε.

¹² Gε nyume kijuse kan ki nsage bamii ba le gε a kintaashe ki bamii ba mbεme ntenεε gε. Bamii ba tanlo beη sage le bô le a kintaashe ntenεε.

¹³ Le to sa Nyo bamii ba le gε a kintaashe le gε. Fi le ba san a Nwa wu Nyo le ε,
 “Beη bvûse muh wù kεme kinεe kî befe a beη ntenεε.”

6

*Keefε muh wu mbεme gêeη wu sômε muh
 fε bamii ba le gε ba mbεme le gε*

¹ Nε muh a beη ntenεε kεme fiεε bε mwa bwee, ki wu gêeη wu sômε fwe a bamii ba mbεme le seη, wu tu wu jo wu gεeη yu fwe a bamii ba gee gε mwεε mù chaan gε nε nεε?

² Gε beη kee ε bamii ba le ba Nyo le bo ge bo sa bamii ba yi won kfunε le gε? No le ge sa beη bo, tu gε tanlo beη sâ mwεε mù chwa chwa a beη ntenεε gε?

³ Gɛ bɛŋ kee lɛ besabɛŋ lɛ be gɛ be sâ banchɛndaa ba Nyo gɛ? No fi le noo, tu taŋlo bɛŋ kee chuule ki bɛŋ sâ mwɛɛ mu kooshi yi kinche ki mɛɛsɛ le.

⁴ Mwɛɛ nɛ mumwɛɛ doo mu kooshi, bɛŋ jienyi nɛɛ fɛ bɛŋ jôde bɛŋ gɛɛne bɛ mu nyume fwe a bamii ba kɛme gɛ kijusɛ antɛnɛɛ a kintaasɛ ki bamii ba mbɛmɛ le gɛ?

⁵ Njɛmɛ nɛ lɛ bvuya kôo bɛŋ. Nɛ fi fɛnɛ le lɛ gɛ muh nyu yu gɛ mbɛŋ a bɛŋ ntɛnɛɛ wù kɛme bvufɛe ki wu sũunɛ nsa wu muh bɛ muh gɛ?

⁶ Bɛŋ ka jade muh jo mwa bwee wu gɛɛŋ wu some, wu some nyume fɛ bamii ba le gɛ ba mbɛmɛ le gɛ.

⁷ Bɛŋ nɛ kɛme bansa a bɛŋ ntɛnɛɛ tu fi duunyi lɛ bɛŋ le bɛŋ gwe wa. Gɛ taŋlo bɛŋ chinɛ gee bamii bamu mwɛɛ mù mbefe fɛ bɛŋ le gɛ? Gɛ taŋlo bɛŋ chinɛ tɛ fige bamii bamu bɛŋ gɛ?

⁸ Geenɛ, ka jade bɛŋ kibɛɛ bɛŋ gee mwɛɛ mù mbefe bɛŋ ka fige kinfɛ, fedɛ munchii, muh tu gee munɛ mwɛɛ nyume bɛ mwa bwee.

⁹ Gɛ bɛŋ kee lɛ bamii ba gee gɛ mwɛɛ mu chaan gɛ bo kɛme gɛ kijusɛ antɛnɛɛ a bvunfonɛ bvɛ Nyo le gɛ? Keefɛ bɛŋ lɛɛde bɛ bikwɛɛ biɛna gɛ. Gɛ bamii ba gee nyien yi kinjan, kɛnɛ ba buunɛ banyo ba achiji, kɛnɛ ba janɛ bikɛɛ ba bamii bamu, kɛnɛ bilɛŋsɛ kaasɛ bo jode bamu, kɛnɛ bikɛsɛ kaasɛ bo jode bamu,

¹⁰ kɛnɛ bachonɛ, kɛnɛ bamii ba yɛɛde ajii yi mwɛɛ le, kɛnɛ ba muu mbvuunɛ mo koodɛ, kɛnɛ ba naanyi bamii, kɛnɛ ba ŋgode manjuu bo jode mwɛɛ mu bamii, gɛ nyu bo gɛ bo to bo kɛmɛ kijusɛ antɛnɛɛ a bvunfonɛ bvɛ Nyo gɛ.

¹¹ Mwɛɛ munɛ le mù bɛŋ bamu gɛ gee fweele.

Geene, Nyo gè chuge beŋ, wu cha wu gee yeye, beŋ nyume chaan a wu jii. Wu gè ge mwεε munε a jee chi Tada Jiso Kletu be chi Kiyo ki Nyo wese besaben le.

Fiεε fi tanlo muh gēe bε ye ye

¹² Muh tanlo wu dūu le wu keme bvunga ki wu gē fiεε fichii fi wu koŋe. Geene, ntu njemε le gε nyume fiεε fichii fi tanlo fi fi muh gε. Muh tanlo wu duu gēh le wu keme bvunga ki wu gē fiεε fichii fi wu koŋe. Geene ntu njemε le, gε tanlo nchīne fiεε fimi fi jo mε fi chvūu ntū nfa wu fi gε.

¹³ Muh mu tε tanlo wu dūu le, “Mwεε munjile le nje tee, tee nyume nje mwεε munjile.” Geene beŋ kēe le Nyo lé wu yu wu tô wu chēŋe be mu munchii. Gε ye yi muh nyume yī ba gēe nyu nyien yi kinjan yu gε. Ye yi muh le ki wu lēne yu nyu fε Tada le, le wu wū Tada wū keme ye yiyu.

¹⁴ No Nyo gē bvuse Tada wese besaben yi kwe le, le gēh yēŋyēŋ no wu lé wu bvūse besaben be bvunga bwe bvuyu yi kwe le.

¹⁵ Gε beŋ kee le ye yene le bimbe bi ye yi Kletu le gε? Tanlo muh ka wu ge nεε fε wu jô kimbe ki ye yi Kletu wu gēŋ wu tâashε be kwese wū jii kuu? Gε tanlo fi nyū noo gε.

¹⁶ Gε beŋ kee le muh wu taashe wa ye ye be kwese wū jii kuu tu be wu le wa ye yimimia gε? Fi le ba san le, “Kwese be jwēŋse to bo taashe tu bo tu wa muh wu mumwaa.”

¹⁷ Geene, muh wū taashi be Tada be wu le wa fiεε le fimimia a kiyo le.

¹⁸ Beŋ lêge kinche ki nyien yi kinjan. Mwεε mù mbefe mumu mù muh gee, le wu gee gēh nyu ye

ye le. Geenɛ, muh wù gee nyien yi kinjan, le wu gee kimbefɛ nyume bɛ ye ye.

¹⁹ Gɛ bɛŋ kee lɛ ye yene le yeh yi Kiyo ki Yuude kɪ Nyo nya bɛŋ le lɛ ki chee yu. Gɛ kɛme bɛŋ bikwɛɛ biɛna gɛ.

²⁰ Ba gɛ gu lo bɛŋ kinlun le. Noo, bɛŋ gɛe mwɛɛ bɛ ye yene nyume mù tɔo bɛ mbɛɛŋsɛ fɛ Nyo le.

7

Saaka kune kwɛsɛ bɛ jwɛŋsɛ

¹ Nlɛ nnyâ nchvûsɛ mɛɛsɛ kune mwɛɛ mù bɛŋ gɛ san fɛ mɛne. Fi jonɛ lɛ keefɛ muh kun kwɛsɛ le gɛ.*

² Geenɛ, no mon kune kinjan le akfuun, fi jonɛ lɛ jwɛŋsɛ kɛme we kwɛsɛ, kwɛsɛ kɛme we jwɛŋsɛ.

³ Jwɛŋsɛ kɛme ki wu gɛe che lɛme chi jwɛŋsɛ fɛ kwɛɛ le, kwɛɛ kɛme ki wu gɛe tɛ che lɛme chi kwɛsɛ fɛ jwɛŋsɛ le.

⁴ Gɛ ka kɛme kwɛsɛ bvunga fɛ kikwɛɛ ke le gɛ, kɛme jwɛŋsɛ. Le gɛh yɛɛnyɛɛŋ no gɛ ka kɛme jwɛŋsɛ bvunga fɛ kikwɛɛ ke le gɛ, kɛme kwɛɛ.

⁵ Keefɛ muh bâa jin muh le gɛ, gɛ fɛ seese bɛŋ bachii bɛŋ bɛɛŋ, bɛŋ ge noo gɛh yi kife le, wu lɛ bɛŋ tanlo bɛŋ mɔ bɛŋ nyâ bikwɛɛ biɛna sege kɛɛ yi buunɛ le. Nɛ bɛŋ doo bɛŋ ge noo, bɛŋ mo bɛŋ kâasɛ bɛŋ tû yi kintaashɛ kɛna le no bɛŋ chi shee bɛŋ nyume, wu lɛ keefɛ Satan gɛ wu jâ wu tɛle bɛŋ nje gɛ bɛŋ kee ki bɛŋ shɛ bɛ bikwɛɛ biɛna gɛ.

⁶ Njɛme finɛ nje ntefɛ, gɛ nyume nchi nnyaa bɛŋ le gɛ.

* **7:1** Bamii ba Kolɛŋ bamu gɛ yɛŋ lɛ gɛ fi jonɛ lɛ muh fɛ bvuguu gɛ.

⁷ Nε bee nje mε, ngôone le muh wuchii nyûme kwεse sεj nje no mε tε nyume. Tu ge nεε, muh wuchii kεme γε ye nnya no Nyo nya wu le. Muh kεme yinε nnya muh kεme yege.

⁸ Mεεse, fε bamii ba baanj bo maa mo ba kwεηkfu, njεme le, fi jonε fε bo le, le bo mê geh bo maa nje no nle.

⁹ Geenε, nε bo le nje tanlo bo kaanj shén bε ye yiboo sεj, muh goon kwεse kεnε jwεηsε bε wu tâashε bo nyume, nje fi jonε ki bo tâashε bo nyume noo, fede ki muh kwêe bε ye yi ηwεεηε wu.

¹⁰ Fε bamii ba taashe wa yéh le, ntu njεmε le kwεse yêne keefe wu gâsε bε jwεηsε γε. Ge wunε nyume nchi wu bu a mεne γε. Wu bu nyu fε Tada le.

¹¹ Geenε, wu gasε lo, tu wu kεme ki wu mê geh wu nyûme wumaa. Nε baanj nyu γε noo γε, wu kaasε wu tu a jwεεη yeh le bε wu sêesε mwεε bo tû bo nyûme. Le geh tε fiεε fi njεme bilεηsε le le γε jwεηsε kεme ki wu kûη bε kwεε γε.

¹² Fε bamii bamu le njεme bo le le, muh wù le muh wu mbεmε wu kεme kwεse, kwεse wuyu nyume γε muh mbεmε γε, kwεse wuyu konε le bε wu nyûme, keefe jwεηsε wuyu bvûsε wu γε. Fiεε finε jεme mε. Ge jεme Tada γε.

¹³ Kwεse wù kεme jwεηsε, jwεηsε wuyu nyume γε muh wu mbεmε γε, wu konε le bε wu nyûme, keefe kwεse wuyu bú tε γε.

¹⁴ Njεme noo, nje jwεηsε wù le γε muh wu mbεmε γε wu kεme kwεε nyume muh wu mbεmε, tu Nyo jode wa wu nje muh we nje kwεε wεε. Kwεse tε wu le γε muh mbεmε γε, wù kεme jwεηsε nyume muh mbεmε, tu Nyo jode wa wu geh nje muh we

nje jwɛɲsɛ wɛɛ. Nɛ baan nyu gɛ noo gɛ, tu gɛ boon baboo yuude gɛ. Geenɛ, no fi le, bo yuude lo.

¹⁵ Nɛ muh wù le gɛ muh wu mbɛmɛ gɛ ja wu tu wu goone ki wu gâsɛ, ba chinɛ. Nɛ fi kooshi noo fɛ jwɛɲsɛ kɛnɛ kwɛsɛ wù le muh wu mbɛmɛ wu kwâji lɛ wu kɛmɛ gɛh ki wu nyû bɛ wu gɛ. Nyo gɛ tɛɲɛ besabɛɲ lɛ besabɛɲ chêe nyume yi nyiɛgeɛ le.

¹⁶ Wo wù kwɛsɛ, wo kee la le lɛ tanlo wo gɛ wo bvûsɛ jwoonj? Mo wo wù jwɛɲsɛ wo kee la le tɛ lɛ tanlo wo gɛ wo bvûsɛ kwoo?

Muh mɛ gɛh wu nyûmɛ no Nyo gɛ tɛɲɛ wu wu nyume

¹⁷ Fiɛɛ fi le, le gɛh lɛ muh chêe kinche nyu kɪ Tada nya wu le. Wu nyûmɛ gɛh no Nyo gɛ tɛɲɛ wu wu nyu. Finɛ le fiɛɛ fi nteefe bintaasɛ bi bamii ba mbɛmɛ yu manjuu le manchii.

¹⁸ Muh nɛ le ba gɛ tɛɲɛ wu ba chvuu wa wu yeh, keefɛ wu gôone ki wu nyûmɛ nje muh wù baan kinshushu gɛ. Nɛ muh le yu wù ba gɛ tɛɲɛ wu, wu baan kinshushu, keefɛ wu gôone lɛ ba chvuu wu yeh mɛɛsɛ gɛ,

¹⁹ nje muh le ba chvuu wu yeh kɛnɛ ba baan chvuu gɛ, tu gɛ fifiɛɛ kɛmɛ fiɛɛ ki fi gɛ gɛ. Fiɛɛ fi le fiɛɛ le lɛ muh gêɛde banchi ba Nyo.

²⁰ Muh wuchii mɛ gɛh wu nyûmɛ no Nyo gɛ tɛɲɛ wu wu nyu.

²¹ Nɛ ba gɛ tɛɲɛ wo, wo nyume nɛwɛ, keefɛ wo bûge gɛ. Geenɛ, nɛ wo kɛmɛ je yɪ wo bû yi bvunfa le, wo bu fiɲj.

²² Bɛɲ kêe lɛ muh wù Tada gɛ tɛɲɛ wù nyu nɛwɛ le wu bu wa yi bvunfa le fɛ Tada le. Le gɛh yɛɛɲyɛɛɲ

te no muh wu ba gè tenje wu, wu nyume ge nfwa ge, le wa mēese nfwa wu Kletu.

²³ Ba gè gu lo beŋ kinlun le. Keefe beŋ nyûme nfa yi bamii ge.

²⁴ Noo, boon ba bwēen, muh mē geh wu nyûme be Nyo a je yi wu gè tenje wu wu nyu yi le.

Nteefe fe bakwεle le mo bikese ba le bakwεŋkfu

²⁵ Mēese, kune fi bikese kene bilenŋse ba baan bakwεle, ge Tada nyu wu seen fīe fi njēme ge. Geenε, nlé nnyâ wan ŋkwaje nje muh wu Tada le wu koo yii fe wu le, wu le muh tanlo wu bēen fīe fi wu jeme le.

²⁶ Ŋkwaji le nje banŋe ba le mēese, fi jonje le muh mē geh wu nyume no wu le.

²⁷ Ne muh keme wa kwese, keefe wu ka wu gōone ki wu kûn be wu ge. Muh ne le kwese sen, keefe wu ka wu gōone kwese ge.

²⁸ Geenε, ne jwenŋse yen le wu lé wu tâashe bvuguu be kwese, tu wu baan ge ge kimbefe ge. Ngoon kwese taashe te bvuguu be jwenŋse, tu wu baan ge ge te kimbefe ge. Geenε, beŋ kēe le bamii bō le bo taashe bvuguu bo lé bo gē bo kēme banŋe yi won kfunε le, fe mene ngoone ki mban beŋ yi fīe fīe le.

²⁹ Boon ba bwēen, fīe fi njeme le le kife kfufe wa baan ki jēese yi mwεε mu yi nshen le fenε. Kεge yi mēese le geene lo, bamii ba keme wa bikese nyûme nje ge bo keme ge.

³⁰ Bamii ba beede kwe nyûme nje ge bo beede ge, bo lanje nyûme nje ge fīe jonje bo le ge, bo gude mwεε nyûme nje bo keme ge lo fīe ge.

³¹ Bamii ba gee mwεε yi wonj kfunε le, bo nyûme nje γε bo keme fιεε fi bo ge be wonj kfunε γε. Njeme ne, nje no wonj kfunε le mεese ne, le wu fede lo.

³² Ngoone le beη nyûme fιεε jeese γε beη γε. Muh wù le kwεse seη to wu γεede bvufee yi saaka wù kune Tada le, no tanlo wu gēe geh nyume fιεε fi Tada yûge njon be wu.

³³ Muh wù keme kwεse to wu γεede bvufee geh nyu yi mwεε mu yi wonj kfunε le, no tanlo wu gēe fιεε fi ye jōηe kwεε.

³⁴ Wu mo wu nyume bvufee bwe ga. Le geh yeηyeη no fi kwεse keηe ηgoon kwεse wù keme γε jweηse γε le. Wu to wu γεede bvufee yi saaka wù kune Tada le, no tanlo wu nyâ kikwεε ke be fitele fie fichii wu le. Wù keme jweηse to wu γεede bvufee nyu yi mwεε mu yi wonj kfunε le, no tanlo wu gēe fιεε fi ye jōηe jweηe.

³⁵ Njeme ne γε ki nfiη lo beη. Ge nyume le ηgoone ki mbân je fe muh mu le γε. Ngoone nyume le muh keε fιεε fi le chuule, wu le wu tanlo wu lêne fe Tada le be fitele fimimia bvufee bwe baan ga γε.

³⁶ Ne jweηse lese mwa wù kwεse, wu ja wu yeη le gee che fe mwa wù kwεse wuyu le baan koje γε, ye ηweηe wu baan, fi nyume geh le bo taashe bvuguu, wu ge no wu koηe, wu taashe be kwεse wuyu. Tu wu baan ge γε kimbefe γε.

³⁷ Geenε, jweηse wù le wu leje lo fe fitele fie le le γε wu nyu wu tâashe bvuguu be kwεse wù wu lese γε, muh kaane γε le be wu tâashe γε, wu shee te be ye ye, wu leje lo fe fitele fie le le γε be wu nyume bo taashe γε, tu wu le wu ge te chuule. †

† 7:37 Keηe le, “Ki wu kēme geh lo wu nje kwεε wù wu lese”.

³⁸ Fi tu nyume le, muh wu le wu taashe bvuguu wu nyu be kwεε wu wu lese tu wu le wu ge chuule. Geenε, muh wu baan taashe ge be kwεse ge tu wu le wu ge chuule baan.[‡]

³⁹ Kwεse to wu nyume kwε muh sege jwεεη baan yu. Geenε, ne jwεεη ja lo wu kwe, tu tanlo wu geεη a jwεηse wumu wu wu konε le be wu taashe bo nyume, wuwεε muh kεme ki wu nyume muh wu Tada.

⁴⁰ Geenε, no n'yεne fian le le ne kwεse wuyu me geh noo, wu yuge lo njon baan. Njεme ne, ηkee le ηkεme te Kiyo ki Nyo.

8

Saaka kune mwεε munjile mu ba ge kintanyε yu fe banyo le

¹ Nlε njεme mεεse kune mwεε munjile mu bamii le bo ge bintanyε yu fe banyo le. Le nchieεη no ba duu le besabeη bachii kεme bvufee. Bvunε bvufee tanlo bvu ge muh bεεηse nyu ye. Geenε, kinkonε to ki joone lo.

² Ne muh ja wu kwaji le wu kee mwεε, tu ge wu kee no wu be kεme ki wu kεe ge.

[‡] **7:38** Kεne le, “Ne muh kεme mwa ye wu ja wu yeη le ge wu gee be mwa ye a je yi kooji le ge, mwa wuyu ta wa wu yeη le tanlo mwa wuyu nyu be jwεηse, wu ge no wu yεde, wu chine mwa ye taashe bvuguu be jwεηse, tu wu baan ge ge kimbefε ge. 37 Geenε, muh wu le wu leje lo fe fitele fie le le ge wu nyu wu nyā mwa ye jwεηse le ge, muh toonε ge lo wu ki wu nyā ge, wu kεme te bvunεa ki wu gε fie fi wu konε, wu leje lo fe fitele fie le le ge wu nyu wu nyā mwa ye jwεηse le ge, tu wu le wu ge chuule. 38 Fi mo fi nyu le, muh wu le wu nya mwa ye jwεηse le, le wu ge chuule. Geenε, muh wu baan nya ge we jwεηse le ge le wu ge chuule baan.”

³ Geenɛ, muh nɛ koŋɛ Nyo, Nyo kɛɛ wu.

⁴ Noo, fi kune mwɛɛ munjile mù ba ge kintanyɛ yu fɛ banyo le, besabɛŋ kee lɛ gɛ banyo banɛ nyume lo fiɛɛ gɛ. Nyo le gɛh wu mumwaa, gɛ wumu ka nyume yu gɛ.

⁵ Bamii bamu jode lɛ banyo bamu le yu fɛwe kɛnɛ fɛkuu fɛnɛ. Le nchiɛɛŋ lɛ bamii jode lɛ banyo le wesee, bachiji kikwɛɛ nyume tɛ wesee.

⁶ Mo no bo jode noo fɛ besabɛŋ le Nyo mɛ gɛh wumaa. Le wu wù le Chiji wese besabɛŋ wù gɛ fɛ mwɛɛ munchii. Besabɛŋ chee nyu nɛ wu. Chiji Kikwɛɛ mɛ gɛh tɛ wumaa wù le Jiso Kletu. Le wu wù ba gɛ fɛ mwɛɛ munchii fede yi chiaaŋ ye le, besabɛŋ kɛme tɛ kinche fede yi ye ye le.

⁷ Finɛ le fiɛɛ gɛ nyu bamii bachii a besabɛŋ ntɛnɛɛ ba kee gɛ. Bamii bamu ba gɛ shee bo gee bintanyɛ fɛ banyo bayu le bo jade bo doo bo jii kfuu chi mumwɛɛ mwɛɛ munjile mɛɛse bo kwaji gɛ lɛ bo baan bo jii nyume mwɛɛ mù ba le ba ge kintanyɛ yu fɛ banyo bayu le. Muntele muboo mù wɛɛyi mo mu sage bo lɛ mwɛɛ munjile muyu le mu cheŋɛ bɛ bo.

⁸ Geenɛ bɛŋ kɛɛ lɛ gɛ taŋlo mwɛɛ munjile to bɛ besabɛŋ mbebe Nyo le gɛ. Besabɛŋ baan ji gɛ, fifiɛɛ kɛme gɛ fiɛɛ ki fi gɛ gɛ. Besabɛŋ ji, yeye gɛ nyù yu gɛ.

⁹ Fiɛɛ fi le, le gɛh lɛ bɛŋ ba kee mwɛɛ munɛ yɛne keefɛ muh já wu jo bvunɔa bvù wu kɛme ki wu gɛ fiɛɛ fi wu koŋɛ yu, wu ge nyume fiɛɛ fi mwa bwɛ wù wɛɛyi banɛ yu wu gwe lo gɛ.

¹⁰ Nɛ wuwɛɛ muh wù fitele wɛɛyi yɛŋ wo wù kee mwɛɛ, jii mwɛɛ kijusɛ kɪ ba gee bintanyɛ fɛ banyo

le, wu gε konj tε ki wu jī mwεε munjile mù bo gee bintanyε yu fε banyo le gε?

¹¹ Nε wu ge noo, tu wo wù kee mwεε le wo chεnjε wa bε mwa bwoo wù wεεyi wunε wù Kletu gè kwe nje wu.

¹² Fiεε fi wo ge finε mo nyume kimbefε wo ge, wo chεnjε bε fitele fi mwa bwoo wù wεεyi, kimbefε kiyu kinε le wo ge nyu fε Kletu le.

¹³ Noo, nε fi le lε fiεε fi njii, fi chεnjε bε mwa bwεεnj, njε njka n'yu njkûnj nyanj le gε, wu lε keefε wu gwê gε.

9

Bvungga bvu mwa ntunj wu Jiso kεme

¹ Gε tanjlo njêε fiεε fi njkonjε gε? Gε mε nyume mwa ntunj wu Jiso gε? Gε njè n'yεnj Tada wese besabεnj wu Jiso le gε? Gε bεnj banε nyume maajε wu lεme chanj fε Tada le gε?

² Nε bamii bamu tεenyi lε gε mε nyûme mwa ntunj wu Jiso gε, tu gε tanjlo bεnj tε tεenyi gε. Bεnj le njinjε wù duunyi nchiεεnj lε nle mwa ntunj wu Tada Jiso.

³ Njεme finε bamii ba sogε kinyi kanj le.

⁴ Gε bee kεme ki bee jīi bee ka muu nje lεme chinε gε?

⁵ Gε bee tε tanjlo bee jô besa bikεse ba le bamii ba mbεmε bee jīenyi bε bo gεh yεεnjyεεnj njε no Bitā* bε boonj ba ntunj ba Jiso bamu mo ba mwa bwεε Tada Jiso gε?

⁶ Fi le lε mε gεh besa Banaba be kεme ki be lēne bε chiaanj yese fε bee jīi mwεε?

* **9:5** Jee chinε le a banjwa ba jε yi Nyo ba duude le lε Sefa.

⁷ Le muh wu nchi wù la wù lene wu laanje kikwεε ke? Ne muh lenj mwε wu muntanj, wu nyume nje wu jii muntanj mù bude mwεne kwεε senj? Muh wù chiεene te nyán, le wu nyume nje wu kanε ambenj ayu wu muu senj?

⁸ Mwεε mune mù njeme mune le njkwaje wu muh wu wunj maa? Ge fi nyume te a banchi ba Nyo le ge?

⁹ Muse gè bee wu sanj a njwa wu banchi le le, “Ne muh jo nyanj le yi jīεε aginj, keefe wu shūude jwe wu nyanj yiye ge.”

Benj kwaji le Nyo gè jeme noo, nyume kune nyán?
¹⁰ Wu gè jeme nyume kune besabenj, ba gè sanj fe besabenj le nje muh wù lene mwε kene wù gweji lo wu keme ki wu gèe noo wu jiine fwe wu kee le wu lé wu gè wu kême fiεε mwεne kwεε.

¹¹ Ne bee fene le bee boonj ngo yi kiyo a muntele mwεna le, fi nyu banaa fe bee le ki bee keme mwεε mu yi nshenj le a benj le?

¹² Ne bamii bamu keme bvunja ki bo jeme le benj nya mwεε bo le, tu ge tanjo bee kême bvunja be fese lo ge?

*Bol gè baan jo gè bvunja bwe bvu mwa ntun wu Jiso
 ki wu fi mwεε a bamii le ge*

Geene, bee baan jo ge bvune bvunja ge. Bee kaane nyume shénj yi fiεε le fichii, fede fe fiεε nyú yu fi jeese le keefe saaka wù jonje wù kune Kletu gēεne fwe ge.

¹³ Ge benj kee le bamii ba lene yeh yi kintanyε le, mwεε munjile muboo to mu bude nyume yu,

bamii ba lene fe kitana ki kintanyε le to bo keme te fεε fe mwεε mù ba too be mu fo ge?

¹⁴ Le geh yεnyεnyε no Tada le wu jemε le bamii ba feeji saaka wù jonε keme ki bo chēe nyume yiyu le.

¹⁵ Mo no fi le noo, mbaan njo ge bvunε bvunga ge, ge nsañe ne le njiine le beñ kē beñ gēe fεε fimi fe mēne ge. Ne fεne le le muh fē le ye yi nchiaase nje je yi Nyo yī nfeeji achiji nyūme le nfii mwεε a bo le, fi jōñe le nkwe lo.

¹⁶ Ge nchiaase ye le nfeeji saaka wù jonε wù kune Jiso Kletu ge. Fi le a kindon kan le ki nfēji. Ne nfan lo ki nfēji, nge ge wu tō ye yan le.

¹⁷ Ne fεne le le ngee lēme chinε nyume a nkwañe wan le, tu nle nkēme nlañe. Geene, ge gē seese mε ge. Gē seese Nyo wu nya chiaan yan le.

¹⁸ Noo kfuu chi maaje wù tanlo nkēme nje lēme chinε le la? Maaje wan le geh le nfēji saaka wù jonε achiji, n'ya nleme ge le beñ lāñe mε no nfeeji saaka wuyu ge.

¹⁹ Beñ kēe le ge mε nyume a muh kuu ge. Geene, nle nkuse kikwεε kan le mε nyūme nfwa wu bamii bachii wu le nsô bo weseε, bo nyūme ba Kletu.

²⁰ Ndoo nyume besa Bajuu, ntu geh nje bo, wu le nsô bo, bo tu bamii ba Kletu. Ndoo nyume besa bo, no bo bii banchi ba Musε le, ntu geh nje bo. Geene, n'ya nyume ge a banchi kuu ge, wu le nsô bamii a bo ntεnεε.

²¹ Ndoo nyume besa bamii baa bô le ge a banchi kuu ge, ntu nje muh wù ya nyu ge a banchi kuu ge. Ngee noo, wu le nsô te bamii baa bo nyume ba Kletu. Ge nyu le mbaan nyume a nchi wu Nyo kuu ge. Nle a nchi wu Kletu kuu.

²² Ndoo nyume tɛ besa bamii ba wɛɛyi yi mbɛmɛ le, ntu tɛ nɛ bo wu lɛ nsô tɛ bo. Nle ntu wa lo fiɛɛ fichii fɛ bamii le bachii, wu lɛ tanlo ngê mo nyume la fi tanlo nge bamu a bo ntɛnɛɛ bo to bo bonɛ.

²³ Ngeɛ mwɛɛ munɛ munchii nɛ nɛ saaka wù jonɛ wù kune Kletu, wu lɛ nge nɛkême tɛ bvujonɛ bvù saaka wuyu nyaa bamii le.

²⁴ Gɛ bɛŋ kee lɛ yi kinlegɛ le sege bamii to bo lege wesee to so gɛh muh wu mumwaa wu kɛmɛ maajɛ gɛ? Noo, bɛŋ tɛ lêge a je yɪ bɛŋ lé bɛŋ gê bɛŋ kême maajɛ yi le.

²⁵ Bamii ba sɛji bachii kɛnɛ le nɛɛɛ wu kinlegɛ, kɛnɛ le kfuu chi wù nɛɛ, bo to bo yɛyɛ chuule, bo to bo yɛyi noo, ki bo gê bo kême maajɛ, maajɛ wunɛ le wù kage lo. Geenɛ, maajɛ wese besabɛŋ le wù kage gɛ.

²⁶ Le fiɛɛ fi nlege kan kinlegɛ ngeɛne chaan nyu fɛ ba koode fo. Gɛ mɛ nyu nɛ muh wu munɔko wù noon gɛh lo munɔko nchɛ nchɛ gɛ.

²⁷ Nyiɛge bɛ ye yaŋ, mɛ mone lɛ mbɪi nyu fiɛɛ fi kooji le, wu lɛ keefɛ nge ndoo nfejɛ wa jɛ yi Nyo bamii bamu le, Nyo tu wu bvùsɛ lo mɛ ngoo yi bamii ba le bo kojɛ bamii be le gɛ.

10

Besabɛŋ yêne lɛ keefɛ fiɛɛ fi gɛ kooshɛ bɛ bamii ba Ishwala kôoshɛ bɛ besabɛŋ gɛ

¹ Boon ba bwɛɛŋ, ngoone lɛ bɛŋ kwâjɛ chuule fiɛɛ fi gɛ kooshɛ bɛ bachiji chiji besa sege bo gɛ jienyi

nchvuun̄. Bo bachii gè jienyi akuu a kimbe, bo geeŋ bo dan̄ joo yĩ baan̄ kuu.*

² No fi gè kooshe noo, fi mo fi nyu nje a kimbe kee le be a joo ye le bo gè kem̄ nleese a joo ki bo nyû bamii ba Muse.

³ Bo bachii gè jii mwɛɛ munjile mù gè nyaa Nyo,

⁴ bo muu tɛ joo yĩ gè nyaa Nyo, wu gè gee yi bude yi kimbaan̄ le. Kimbaan̄ kiyu gè bee Kletu wù gè jienyi be bo.

⁵ Mo no bo gè yede mwɛɛ mun̄ le nɛ, ba duude bo le tu bo gee geh̄ mwɛɛ mù fitele befe Nyo. Wu mo wu yuuyɛ bobaa bamii, agvun̄ aboo giime nchvuun̄.

⁶ Mwɛɛ mun̄ gè kooshi be bo nyu nteefe fe besaben̄ le le keefe besaben̄ gèe shén̄ yese yi mwɛɛ mù mbefe le nje bo gɛ.

⁷ Keefe besaben̄ bûune banyo ba achiji no bamu gè buune gɛ. Ba le ba san̄ kune bo le,

“Bamii gè shii, bo ji mwɛɛ, bo mu,

bo ja we bo mo bo lee bine le bo tu bo bine fe fimooso le.”

⁸ Keefe besaben̄ gèe nyien̄ yi kinjan̄ no bamu gè gee gɛ, Nyo gè ge bo kwe banchvuge mbanfiɛ ncho batɛde (23,000) yi juu le chimimia.

⁹ Keefe besaben̄ mône Tada no bo gè mone gɛ, Nyo ge yó taayɛ bo bo kweeyɛ.

¹⁰ Keefe besaben̄ shûn̄shi no bamu gè shun̄shi, Nchendaa wu Kwe yuuyɛ bo gɛ.

* **10:1** Kin̄ le kife kɪ Muse gè saa fwe ki wu bvûsɛ bo Ijib a Joo yĩ baan̄ yin̄ le yĩ ba tɛn̄jɛ le yĩ Yɛɛde (Kinsan̄ 14:21-22).

11 Mwɛɛ munɛ munchii mù gè kooshi bɛ bo nyu nteefɛ fɛ bamii le. Ba gè saɲ nɛ lɛ besabɛɲ banɛ ba chee gɛh nyu yi kife kɪ won ɲ kage wa le, be jòde wɛɛ.

12 Noo, muh wù kwaji lɛ wu lɛme wu tɛme chuule, wu yêne lɛ keefɛ wu gê wu gwê gɛ.

13 Bɛɲ kêe lɛ mmon ɲ wuchii wu too fɛ bɛɲ le, le no wu to wu too tɛ fɛ bamii bamu le. Nyo le Nyo wù to wu lɛme gɛh yi jɛ ye le, gɛ tanlo wu chɪnɛ lɛ mmon to fɛ bɛɲ le wu fɛ bvunga bwena gɛ. Nɛ mmon too fɛ bɛɲ le, wu dûnyɛ gɛh nyu je yɪ bɛɲ fê yu bɛɲ so mmon wuyu.

14 Noo nsáa yaɲ yi shén, nto sɛɲɛ bɛɲ le lɛ bɛɲ lêge mwɛɛ mu kune banyo ba achiji.

15 Njɛme bɛɲ le nɛ njɛ bamii ba kɛme bvufɛ. Bɛɲ taa fɛ bikwɛɛ biɛna le chuule laa fiɛ fi njɛme bɛɲ le finɛ le nchiɛɲ.

16 Gɛ besabɛɲ to bee jo fiɲkoo fi ntɛ, bee nya kiyone Nyo le, bee mu yi kintaashɛ le, tu besabɛɲ le be taashɛ yi kilɛmɛ ki Kletu le gɛ? Nɛ besabɛɲ doo be jo blɛd wu yi kife kɛɛ le bee bwɛɛyɛ bee ji yi kintaashɛ le, tu gɛ besabɛɲ taashɛ nyu yi ye yi Kletu le gɛ?

17 No besabɛɲ jii blɛd wunɛ nɛ nyu bamii ba duude chefe nyu gɛh yimimia, tu fi duunyi lɛ besabɛɲ le ye yimimia, nje besabɛɲ jii gɛh nyu chefe yimimia.

18 Bɛɲ jo mbejɛ fɛ bamii ba Ishwala le. Muh wuchii wù jii fiɛ fɛ kitana ki kintanyɛ le wu taashɛ wa bɛ Nyo yi kintanyɛ kiyu le.

19 Fiɛ fi njɛme finɛ le lɛ la? Fi le lɛ mwɛɛ mù ba gee bintanyɛ yu fɛ banyo le kɛme fiɛ ki fi gê kɛnɛ lɛ banyo bayu tɛ kɛme fiɛ fi bo gɛ?

20 Gɛ nyu noo gɛ. Fiɛɛ fi nɛmɛ le lɛ bintanyɛ bɪ bamii ba kee gɛ Nyo gɛ gee, bo gee nyu fɛ banchɛndaa ba debele le. Gɛ bo gee nyu fɛ Nyo le gɛ. Mo ntu jɛmɛ lɛ keefɛ bɛŋ tãashi bena banchɛndaa ba debele gɛ.

21 Gɛ tanlo bɛŋ mûu a fiŋkoo fi kintaashɛ fi le fi Tada le, bɛŋ ka bɛŋ mûu a fiŋkoo fi Satan le gɛ. Gɛ tanlo tɛ bɛŋ jii mwɛɛ munjile mu Tada bɛŋ ka bɛŋ jii mu Satan gɛ.

22 Keefɛ besabɛŋ gêe fiɛɛ fi shɛŋ biinyi Tada gɛ. Besabɛŋ goone ki beɛ dûnyɛ lɛ beɛ tɛmɛ beɛ fede wu?

Muh gêe fiɛɛ nyu fi tanlo fi fi tɛ mwa bwee

23 Besabɛŋ bamu jade bo tu bo duu lɛ bo kɛmɛ bvunɔa ki bo ge fiɛɛ fichii. Geenɛ, bo kêe lɛ gɛ nyu fiɛɛ fichii fi tanlo fi fi muh gɛ. Lɛ besabɛŋ bamu jade bo tu bo duu gɛh lɛ bo kɛmɛ bvunɔa ki bo gɛ mo fiɛɛ fichii. Gɛ nyu tɛ fiɛɛ fichii fi tanlo fi gɛ muh lɛmɛ wu tɛmɛ yi mbɛmɛ we le gɛ.

24 Keefɛ muh gêe fiɛɛ wu kwaji gɛ no fi kooji fɛ kikwɛɛ ke le gɛ. Muh kwâji tɛ no fi kooji fɛ mwa bwee le.

25 Bɛŋ jii nyan yichii yi ba gese fɛ waan, bɛŋ soose gɛ laa yi ja faan la, wu lɛ keefɛ muntele mwɛna sâge bɛŋ yi fifiɛɛ fiɛɛ le gɛ.

26 Njɛmɛ noo, nje ba le san a Nwa Nyo le lɛ,
“Kɛmɛ Tada won ɔfunɛ mo mwɛɛ munchii mù le yi wu le.”

27 Nɛ muh wù le gɛ muh wu mbɛmɛ gɛ tɛŋɛ bɛŋ lɛ bɛŋ tó bɛŋ jii mwɛɛ, bɛŋ bɛɛŋ bɛŋ gɛɛŋ, bɛŋ jii fiɛɛ fichii fi ba nya bɛŋ le keefɛ bɛŋ sôose gɛ. Keefɛ fitele sâge bɛŋ yi fifiɛɛ fiɛɛ le gɛ.

²⁸ Geenε, muh mu nε ja lo wu sεεη βεη le le mwεε munjile muyu le ba ge kintanyε yu fε banyo le, keefε βεη jī gε wu le keefε muh wù be sεηε βεη yêη le βεη gee fiεε fi befe, mo fε fitele sâge muh.

²⁹ Njεme fitele finε nyu fi muh wù be sεηε βεη le. Gε njεme nyu fiena gε. Geenε, tanlo muh mu biih le laa tanlo wu lu ki wù gêe fiεε fi wu konε nje fi le fi sâge fitele fi muh mu la?

³⁰ Nε njii fiεε nnya kiyone kiyu Nyo le, muh ka wu nâanyi mε nje la?

³¹ Mε mo nduu fian le fiεε fichii fi muh gee, kεnε wu jii nyu fijile, kεnε wu muu nyu fimule, wu gêe je yī muh mu yεη lo, wu nyâa mbεεηsε Nyo le.

³² Keefε βεη gêe fiεε fi tanlo fi chεηε bε muntele mu bamii gε, kεnε nyu Bajuu, kεnε nyu bamii ba le gε Bajuu gε, kεnε kintaashε ki bamii ba mbεmε ba Nyo.

³³ Mε mone fian kīngee fiεε fichii nyu fi muh wuchii yûge njon. Gε ηkwaji gεh nyu fiεε fi kune kikwεε kan maa gε. Nkwaji kune bamii bachii, le ηgê bo ki bo gê bo bônε.

11

No tanlo muh nyume sege wu buune

¹ Βεη bīi kīnge kan le, gεh no mbii ki Kletu le.

² Mbεεηsε βεη no βεη kwaji mε yi fiεε le fichii bε no βεη bii mwεε mù ηgê n'yeyε βεη yu.

³ Geenε, ηgoone le βεη kêε chuule le kikwεε ki jwεηsε wuchii le Kletu, kikwεε ki kwεse le jwεεη, kikwεε ki Kletu nyume Nyo.

⁴ Jwɛɲsɛ wuchii wù buune, kɛnɛ wu teede ntun wu Nyo wu nyu banɛ kikwɛɛ, tu wu choose Kletu wù le kikwɛɛ ke.

⁵ Geenɛ, kwɛsɛ wuchii wù buune, kɛnɛ wu teede nyu ntun wu Nyo nɛ wu banɛ kikwɛɛ sɛɲ, tu wu choose nyu jwɛɲ wù le kikwɛɛ ke. Gɛ yeye nyu yu bɛ kwɛsɛ wù ba kwaa kikwɛɛ ke gɛ.

⁶ Nɛ wu le wu yɛɲ lɛ gɛ wu nyu wu banɛ kikwɛɛ ke gɛ, wu mo kwaa lo. Geenɛ, no le bvuya fɛ kwɛsɛ le ki wu nyù bɛ kikwɛɛ ba kwaa, wu mo wu banɛ la kikwɛɛ kiyu.

⁷ Gɛ jwɛɲsɛ kɛmɛ ki wu bânɛ kikwɛɛ ke sege wu buune gɛ, nɛ wu le nfiɛnɛ yi Nyo wu ka nyu bvujonɛ bvɛ Nyo. Geenɛ, kwɛsɛ le bvujonɛ bvɛ jwɛɲsɛ.

⁸ Gɛ jwɛɲsɛ gɛ bu yi kwɛsɛ le gɛ, gɛ bu kwɛsɛ yi jwɛɲsɛ le.

⁹ Gɛ Nyo gɛ fɛ tɛ jwɛɲsɛ nɛ kwɛsɛ gɛ. Wu gɛ fɛ nyu kwɛsɛ nɛ jwɛɲsɛ.

¹⁰ Le nɛ fifiɛɛ bɛ nɛ banchɛndaa ba Nyo wù kwɛsɛ kɛmɛ ki wu kɛmɛ fiɛɛ fimi kikwɛɛ ke le fi chuunyi lɛ wu le a bvungɛ bvɛ muh kuu.

¹¹ No fi le noo, fɛ besabɛɲ ba taasɛ wa besa ba Tada, gɛh kwɛsɛ nyu bɛ kikwɛɛ ke wu maa jwɛɲsɛ sɛɲ gɛ, gɛh jwɛɲsɛ nyu tɛ bɛ kikwɛɛ ke wu maa kwɛsɛ sɛɲ gɛ.

¹² Fi le noo, nɛ no kwɛsɛ gɛ bu yi jwɛɲsɛ le, mɛɛsɛ le kwɛsɛ wu boyi jwɛɲsɛ, geenɛ fiɛɛ fichii jade nyu fɛ Nyo le.

¹³ Bɛɲ tɛ bîjɛ antɛnɛɛ ayu. Fi le chuule lɛ kwɛsɛ búune Nyo nɛ wu banɛ kikwɛɛ ke sɛɲ?

¹⁴ Mo no bɛɲ yɛdɛ mwɛɛ le, gɛ bɛɲ kee lɛ fɛ jwɛɲsɛ gɛɛ kikwɛɛ ki chi baan le nyù kinchoose fɛ wu le gɛ?

15 Geenɛ, kwɛsɛ nɛ kɛmɛ yvu yɪ ndefe tu gɛ nyu ɲgone fɛ wu le gɛ? Nyo gɛ nya yvu yɪ ndefe kwɛsɛ le lɛ yi banɛ kikwɛɛ ke.

16 Nɛ muh le yu wu goone ki wu tɛɛnyi fiɛɛ finɛ, wu kee lɛ gɛ besabɛɲ kɛnɛ bintaashɛ bi bamii ba Nyo ka kɛmɛ je yimi yi bo gee mwɛɛ yu gɛ.

Ntefɛ kune ntɛ wu Tada Jiso

(Macho 26:26-29; Maliku 14:22-25; Luka 22:14-20)

17 Geenɛ, fiɛɛ fimi le yu fi ɲgoone ki ntefɛ bɛɲ yu, nyume fi bɛɲ gee, mbɛɛɲsɛ gɛ bɛɲ yu gɛ. Bɛɲ too bɛɲ shii yi kintaashɛ le tu bu fiɛɛ fi befe fede fi joɲɛ.

18 Fiɛɛ fi ɲgoone n'ya ndu le lɛ, n'yuge lɛ bɛɲ to bɛɲ taasɛ nɛ kintaashɛ ki bamii ba mbɛmɛ, bɛɲ tu bɛɲ nyume de yeye yeye. N'yɛnɛ lɛ tanlo nyume nchiɛɲ.

19 Fi joɲɛ lo lɛ kingaye nyɔ̃mɛ a bɛɲ ntɛnɛɛ wu lɛ bo mo bo kɛɛ bamii ba kooji abɛɲ ntɛnɛɛ.

20 N'yɛde lɛ sege bɛɲ too yi kintaashɛ le ki bɛɲ jɪ mwɛɛ munjile mu Tada, bɛɲ jii gɛh nyume mu gɛ.

21 Nɛmɛ nɛ nɛ sege bɛɲ doo bɛɲ jii mwɛɛ, bɛɲ bamu tu bɛɲ jii gɛh nyume mwɛna mwɛɛ munjile bɛɲ gɛnɛ fwe, bamu mo bo mɛ jɛɲ, bamu muu mbvuun mo koode lo bo.

22 Le la noo? Gɛ bɛɲ kɛmɛ yɛh yɪ bɛɲ jɪi yu, bɛɲ muu yu gɛ? Noo lɛ bɛɲ goone ki bɛɲ jɔ̃de kintaashɛ ki bamii ba mbɛmɛ ki Nyo fɛkuu, bɛɲ gee bamii ba fuude kɛmɛ bvuya le? Tanlo nɛmɛ bɛɲ le lɛ la? Tanlo mbɛɛɲsɛ bɛɲ yi finɛ le? Gɛ, tanlo mbɛɛɲsɛ gɛ.

23 Nɛgɛ n'yɛyɛ bɛɲ nyu bɛ fiɛɛ fi Tada gɛ yɛyɛ mɛ yu, lɛ gɛ bee kintan ki ba le ba gesɛ Tada wese besabɛɲ wu Jiso, wu jo chefe yi blɛd,

24 wu nya kiyone Nyo le, wu bwɛɛyɛ wu jɛmɛ lɛ, “**Finɛ le ye yan yi nnya nje bɛɲ. Bɛɲ gɛɛ finɛ ki bɛɲ kwâji mɛ.**”

25 Lɛ bo ji mwɛɛ bo mɛsɛ, wu jo fiŋkoo wu ge geh yɛɛɲyɛɛɲ nje fweele, wu jɛmɛ lɛ, “**Fiŋkoo finɛ le mankan mà manfɛɲ ma Nyo gwo bɛ kilɛmɛ kan. Bɛɲ gɛɛ finɛ segechii bɛɲ muu ki bɛɲ kwâji mɛ.**”

26 Fi mo fi nyume lɛ segechii kɪ bɛɲ jii blɛd wunɛ bɛɲ ka bɛɲ muu fiŋkoo finɛ bɛɲ feeji nyu kune kwe yi Tada gɛɛne bude sege wu lé wu gɛ wu kâasɛ wu tô.

27 Noo, mo nyu yɛɛɲ wu jii blɛd wuyu kɛnɛ wu muu fiŋkoo fi Tada fiyu a je yɪ jonɛ gɛ le, tu mwɛdɛ gee nyu kimbefɛ nje wu baan ɲgvuun gɛ ye bɛ kilɛmɛ ki Tada gɛ.

28 Sege muh doo wu jii blɛd wunɛ wu ka muu fiŋkoo finɛ, wu ya wu taa kikwɛɛ ke fɛ wu ge noo,

29 nje muh wu la wu jii blɛd wunɛ wu muu fiŋkoo finɛ wu kee gɛ fiɛɛ fi le ye yi Tada le gɛ, tu mwɛdɛ jii wu ka muu, wu jôde nyu nsa fɛ kikwɛɛ ke le.

30 Le fiɛɛ fi bamii ba duude a bɛɲ ntɛnɛɛ wɛɛyi, bamu chɛne, bamu kweeyɛ wa.

31 Geenɛ, nɛ besabɛɲ le be taa bikwɛɛ biɛsa chu-ule fɛ be jii bee ka muu, Tada gɛ ka wu sa besabɛɲ gɛ.

32 Nɛ Tada sage besabɛɲ, tu wu naji lo besabɛɲ wu lɛ keefɛ wu gɛ wu tâashɛ besabɛɲ bɛ bamii ba yi won ɲfunɛ le lɛ besabɛɲ le be gwe nsa gɛ.

33 Boon ba bwɛɛɲ, fi mo fi nyume lɛ sege bɛɲ taashɛ ki bɛɲ jɪ mwɛɛ munjile mu Tada lɛ, bɛɲ chiɛɛɲ muh wuchii to.

34 Nɛ jɛɲ yuu muh, mwɛdɛ ji mwɛɛ a wu yeh, wu lɛ keefɛ bɛɲ gɛ bɛɲ tô kintaashɛ le wu gɛ fiɛɛ fi to

nyume be nsa fe kikwεε ke le γε. Fi kune mwεε mumu, nlé ngê ntêfe beη sege nto.

12

Nnya yi Kiyo ki Yuude

¹ Boon ba bwεεη, nlé njême mεεse kune nnya yĩ Kiyo ki Yuude nyaa bamii le. Ge ngoone le beη nyû yi kijibe le γε.

² Beη kee le sege beη gè baan bamii ba kee γε Nyo γε, ba gè lεede be beη kenε a jé yi la le, beη tu beη njiine, beη mo beη ngvuune banyo ba achiji bò le nje tanlo bo jeme seη.

³ Me mo jeme le beη kêε chuule le muh wù Kiyo ki Nyo le yi ye ye le, wu γε ka wu du le, “Lon kôo Jiso” γε. Ge muh tanlo wu du te le, “Jiso le Tada” nje fi Kiyo ki Yuude wu seη γε.

⁴ Doo tu fe nnya le, bamii keme nnya yeye yeye, nya geh Kiyo kimimia bo le.

⁵ Bamii lene chilame yeye yeye a kintaashe ki bamii ba mbeme nteneε, geenε Tada wuboo nyu geh wu mumwaa.

⁶ Jé le geh yeye yeye yĩ bamii lene yo, gee geh Nyo wu mumwaa le bamii gêe chilame chiye chine jé yiye le.

⁷ Ba le ba nya geh muh wu mumwaa wu mumwaa be ye nnya yi Kiyo ki Yuude ki wu lêne fe muh wuchii le.

⁸ Muh keme geh ye nnya yi Kiyo ki Yuude nya wu le nyu ki wu jême nje muh wù keme bvufee, nnya yi muh mu le ki wu jême nje muh wù kee mwεε. Fichii gee geh Kiyo kimimia.

⁹ Kiyo nya muh mu nyu fitele fi wu leesɛ yi Nyo le chuule, nnya yi muh mu nyu ki wu fêde bincheŋ. Fichii gee gɛh Kiyo kimimia.

¹⁰ Kiyo nya muh mu nnya nyu ki wu gêe bingha bi mwɛɛ, nnya yi muh mu nyu ki wu tēede bantuŋ ba Nyo, nnya yi muh mu nyu bvufɛe ki wu kēe yeye yeye wu mwɛɛ mù jade fɛ Kiyo ki Nyo le bɛ mù jade gɛ fɛ Kiyo ki Nyo le gɛ, nnya yi muh mu nyu bvunɔa ki wu jême jé yĩ ba kee gɛ, nnya yi muh mu nyu nchiɛɛɛ wu mwɛɛ mù muh wuyu jeme bamii le.

¹¹ Bo gee mwɛɛ munɛ munchii nya gɛh Kiyo kimimia nnya yiyu bo le, ki gaji muh wuchii le no ki goone.

Kintaashɛ ki bamii ba mbɛmɛ lɛ le nɛ ye yi muh

¹² Besabɛŋ kee lɛ ye yi muh le gɛh yimimia, geenɛ yi kɛme bimbe wesee. No bimbe biyu le wesee nɛ bi taashi gɛh yi fiɛɛ le fimimia. Le gɛh tɛ no Kletu bɛ bamii be le.

¹³ Besabɛŋ le bamii yeye yeye, bamu le Bajuu, bamu Baglek, bamu nyu nfa, bamu nyume gɛ nfa gɛ. Le gɛh a Kiyo le kimimia kɪ ba gè leesɛ besabɛŋ a joo ki be nyũ ye yimimia. Nyo gè gɛle gɛh nyu Kiyo kiyu kimimia fɛ muntele mwesa besabɛŋ le.*

¹⁴ Gɛ ye yi muh lɛ nyu gɛh kimbe kimimia gɛ. Le bimbe bĩ duude.

¹⁵ Nɛ kikaɔ ja ki jɛmɛ lɛ, “No gɛ mɛ nyu kibo gɛ, tu gɛ mɛ mbaan kimbe ki ye le gɛ”, fifiɛɛ gɛ ya fi ge lɛ ki mo ki nyũ nɛ ki le kimbe ki ye le sɛŋ gɛ.

* **12:13** Kɛnɛ lɛ nyu gɛ nfa gɛ. Le a kiyo kimimia kɛɛ ntenɛɛ ki ba gè leesɛ bee bachii a joo lɛ be nyũme ye yimimia, le kiyo kiyu kimimia kɪ ba gè nya bee be mu.

16 Kintuŋ ja tɛ ki jɛmɛ lɛ, “No gɛ mɛ nyu jise gɛ, tu gɛ mɛ mbaan kimbe ki ye le gɛ”, fifiɛɛ gɛ ya fi ge lɛ ki mo ki nyû nje ki le kimbe ki ye le sɛŋ gɛ.

17 Nɛ ye yi muh yichii bee mɛ gɛh jise, wu yûge mwɛɛ bɛ la? Ye yichii nɛ be mɛ gɛh kintuŋ, wu yûge nsanɛ wu fiɛɛ bɛ la

18 Fiɛɛ fi le, le lɛ Nyo gɛ bee wu fɛ muh wu seesɛ bimbe bie bi ye lɛ yeye yeye no wu konɛ lɛ bi nyûme.

19 Nɛ ye yi muh be mɛ gɛh kimbe kimimia, yi nyu nɛɛ?

20 No fi le, bimbe bi ye le wesee. Geenɛ bi taashɛ bi fɛ ye yimimia.

21 Gɛ tanlo jise du kibo le lɛ, “Gɛ ŋgoone wo gɛ.” Gɛ kikwɛɛ tanlo ki du tɛ bikaa le lɛ, “Gɛ ŋgoone bɛŋ gɛ.”

22 Fiɛɛ fi nyume le lɛ, bimbe bi ye lɛ bɛ yɛne lɛ bi wɛɛyi lo, le bɛ tanlo ye yi muh nyu nje bi le lo sɛŋ gɛ.

23 Bimbe bi ye bɛ besabɛŋ jode lɛ bi le nchɛ, le bi, bɛ besabɛŋ jiɛne fo chuule. Bimbe bi besabɛŋ to be kɛme bvuya ki bee duunyi bamii le, le bi, bɛ besabɛŋ to be banɛ.

24 Bimbe bɛ bamii yɛde, le bɛ goone gɛ lɛ ba jiɛne fo noo gɛ. Nyo le wu seesɛ wa ye yi muh je yɛ le lɛ ba ŋgvûune bimbe bɛ yɛne lɛ bi le nchɛ.

25 Wu gɛ gee noo wu lɛ keefɛ kingaye nyu yi ye le gɛ, lɛ kimbe tɔone kimi, kimi toone kimi.

26 Nɛ kimbe ki ye kimi ja ki tu ki yuge nsasɛ, tu bimbe biyu bichii le bi yûge nsasɛ. Nɛ ba nya ŋgvunɛ kimbe ki ye le kimimia, tu bi bichii lé bi lânɛye bɛ ki.

27 Lɛ doo tu fɛ Kletu le nyu bɛŋ bachii bɛŋ nyu ye ye, muh wu mumwaa wu mumwaa bɛŋ le le kimbe ki ye yiyu.

²⁸ Nyo le wu gɛɛ bamii ba lɛne chilɛme yeye yeye yi kintaashe ki bamii ba mbɛmɛ le. Ba fwe nyu boon ba ntun ba Jiso, bɔ bii bo le nyu bamii ba teede bantun ba Nyo, bɔ ka bii bo le nyu bamii ba yeyi bamii. Wu gɛɛ bamu nyu bamii ba gɛe binɣha bi mwɛɛ, bamu bɔ fɛde binɣɛŋ, bamu bɔ fih bamii. Wu gɛɛ bamu nyu ba seese no chilɛme gɛɛne, bamu nyu ba kee ki bo jɛme jɛ yi ba kee gɛ yi gɛ.

²⁹ Gɛ nyu bamii bachii ba le boon ba ntun ba Jiso gɛ. Gɛ nyu bachii ba teede bantun ba Nyo gɛ. Gɛ nyu bamii bachii ba yeyi bamii gɛ, gɛ nyu bachii ba gee binɣha bi mwɛɛ gɛ.

³⁰ Gɛ bamii bachii nyu ba kɛme nnya yi fɛde binɣɛŋ gɛ. Gɛ nyu bachii ba tanlo bo jɛme jɛ yi bo kee gɛ. Gɛ nyu tɛ bamii bachii bo tanlo bo chiɛɛyi mwɛɛ mu bamii jɛme a jɛ yimi yi bamii le gɛ.

³¹ No nnya yinɛ yichii le nɛ, bɛŋ kɔŋɛ chuule ki bɛŋ kɛme nnya gɛh nyu yi kuge yi fede yichii. Geenɛ, nlɛ ndũnyɛ bɛŋ fiɛɛ fi fede mwɛɛ munɛ munchii.

13

Kinɣonɛ fede mwɛɛ munchii

¹ Nɛ ŋkee ki njɛmɛ jɛ yi bitun bichii mo jɛ yi banchɛndaa ba Nyo, njɛ ŋkɛme kinɣonɛ fɛ bamii le sɛŋ, tu ŋkune gɛh nyu jwe njɛ ŋɣɛŋ wũ baajɛ, kɛnɛ bichwa bɪ muh sunɛ.

² Nɛ ŋkɛme bvunɣa ki ntɛede bantun ba Nyo, ŋkee mwɛɛ mu nyilɛ le, mo mwɛɛ munchii, nleesɛ fitele yi Nyo le chuule wu tanlo mɛ muushɛ ba mbegɛ, geenɛ njɛ ŋkɛme kinɣonɛ fɛ bamii le sɛŋ, tu nle gɛh lo fiɛɛ fi achiji.

³ Nɛ njo mwɛɛ mwaɲ munchii ɲa bamii le, nnya tɛ ye yaɲ lɛ ba tɔɲ, *geenɛ nje ɲkɛme kinɲonɛ fɛ bamii le sɛɲ maaje nyû la.

⁴ Muh wù kɛme kinɲonɛ fɛ bamii le to wu kaane shɛɲ, wu ka gee kinɲe ki jonɛ fɛ bamii le. Gɛ wu wɛɛ muh to wu bɛɛne kindonɲ gɛ. Gɛ wu to wu chiaase ye kɛnɛ wu yuge ye gɛ.

⁵ Gɛ wu to wu ɲase bɛ bamii gɛ. Gɛ wu to wu kwaji gɛ nyu kikwɛɛ ke gɛ. Gɛ wu to wu toonyi shɛɲ chige gɛ. Gɛ wu to wu ɲgode finte fi kimbefɛ gɛ.

⁶ Gɛ wu to wu yuge ɲjon bɛ fiɛɛ fi befe gɛ. Wu to wu yuge ɲjon nyu bɛ fiɛɛ fi le nchiɛɲ.

⁷ Muh wù kɛme kinɲonɛ to wu fii mwɛɛ munchii, wu jiɲɛ gɛh fwe yi fiɛɛ le fichii, wu ka kaane shɛɲ yi fiɛɛ le fichii.

⁸ Gɛ kinɲonɛ to ki ka gɛ. Geenɛ kife lé ki yû ki tó kî bvunɲa bvɛ Nyo gɛ nya lɛ bamii tɛɛde bantɲ be yu lé ki kâ, jé yî bamii jɛme bo kee gɛ yi ka, bvunɲa ki bo kee mwɛɛ chuule ka tɛ.

⁹ Mu le mu ka noo nje besabɛɲ kee mwɛɛ mɛɛɛɛ gɛh lo kimbɛge kimbɛge, bee tɛɛde bantɲ ba Nyo gɛh kimbɛge kimbɛge.

¹⁰ Geenɛ sege fiɛɛ fi kooji gɛɛne mɛɛɛɛ to, mwɛɛ mù kimbɛge kimbɛge mo mu kâ.

¹¹ Gɛ bee sege ɲgɛ baan mwa wù shige, ɲgɛ jɛme nje mwa, ɲkwaji mwɛɛ nje mwa, n'yɛde mwɛɛ le nje mwa. Ndoo nta wa mo nchinɛ kinche ki boon le.

¹² Mɛɛɛɛ besabɛɲ yɛde mwɛɛ le jibɛjibɛ nje a mijoo le. Geenɛ lé gɛ nyû kife kikɛɛ le mu yuu a besabɛɲ jii. Mɛɛɛɛ ɲkee mwɛɛ kimbɛge kimbɛge, lé

* **13:3** Baɲwa ba kege bamu kɛme fɛnɛ lɛ, “Nnya tɛ ye yaɲ lɛ nchiaase ye.”

gê nyû sege kɛɛ, mɛ mo mɛsɛ ŋkêɛ mwɛɛ munchii gɛh no Nyo kee mɛ.

¹³ Mwɛɛ le muntɛde mù lé mu mâ gɛh mu lɛme fo. Mwɛɛ muyu munɛ le: Ki muh lêesɛ fitele yi Nyo le, bɛ ki muh jîlɛ fwe yi ŋka wu Nyo le, mo ki muh kême kinƙonɛ. Geenɛ kinƙonɛ le fiɛɛ fi kuge fi fede mu munchii.

14

Ki ŋka njɛmɛ kune nnya yi Kiyo ki Yuude

¹ Bɛŋ gêɛde kinƙonɛ fwe a mwɛɛ munchii, geenɛ bɛŋ kôŋɛ tɛ chuule nnya yî Kiyo ki Yuude nyaa bamii le, fede munchii, nnya ki ba têede bantun ba Nyo.

² Nɛ muh jɛme nyu a jé yî ba kee gɛ yi le gɛ, tu gɛ wu jɛme nyu bamii le gɛ, wu jɛme nyu Nyo le, nje gɛ muh yuge fiɛɛ fi wu jɛme gɛ. Wu jɛme nyu mwɛɛ mu nyilɛ le a bvunƣa bvu Kiyo ki Yuude le.

³ Geenɛ, muh wù teede bantun ba Nyo to wu jɛme nyu bamii le, wu gee bamii kuu yi mbɛmɛ le, wu ka yufe muntele muboo, wu ka gee tɛ muntele mu bamii jîɛɛ.

⁴ Muh wù jɛme jé yî ba kee gɛ yi gɛ, to wu fii gɛh nyu kikwɛɛ ke maa. Geenɛ, muh wù teede bantun ba Nyo, to wu fii nyu kintaasɛ ki bamii ba mbɛmɛ lɛ kichii.

⁵ Nto konɛ lɛ bɛŋ jême jé yi bamii kee gɛ yi gɛ. Geenɛ, fiɛɛ fi ŋkonɛ baan le lɛ bɛŋ têede nyu bantun ba Nyo bamii le. Muh wù teede bantun ba Nyo kuge wu fede muh wù jɛme jé yî ba kee gɛ yi gɛ. Nɛ finɛ baan nyu gɛ lɛ muh le yu wu fiise jé yiyu wu lɛ kintaasɛ ki bamii ba mbɛmɛ yu chuule ki yi fi bo bo kuu.

⁶ Boon ba bwɛɛŋ, nja mɛɛsɛ nto fɛ bɛŋ le, ntu njɛmɛ jé yí ba kee gɛ yi gɛ, fífíɛɛ fí bɛŋ yi la le? Fíɛɛ fí tanlo fí fí bɛŋ le gɛh sege nle nto bɛ fíɛɛ fí fɛŋ fí Nyo le wu dunyɛ mɛnɛ, kɛnɛ fíɛɛ fími fí wu goone lɛ ngê bɛŋ kɛɛ, kɛnɛ ntun we wumu lɛ ntêe bɛŋ le, kɛnɛ fíɛɛ fími lɛ n'yêyɛ bɛŋ yu.

⁷ Bee jo gɛh mwɛɛ njɛ ndon kɛnɛ kome mù ya kɛmɛ gɛ kinche gɛ. Tanlo muh ge nɛɛ fɛ wu kɛɛ fíɛɛ fí mu jɛmɛ njɛ bo ton kɛnɛ bo ku a je yí kooji le sɛŋ?

⁸ Nɛ muh ja lɛ wu ton son yi jɛŋ, wu baan ton gɛ a je yí kooji le gɛ, bamii gê nɛɛ fɛ bo bu jɛŋ?

⁹ Le gɛh yɛɛŋyɛɛŋ no nɛ bɛŋ jɛmɛ bamii le njɛ bo yuge lo sɛŋ, bo ge nɛɛ fɛ bo kêe fíɛɛ fí bɛŋ jɛmɛ? Tu bɛŋ jɛmɛ gɛh nyume fii le.

¹⁰ Gɛ nyu kimanɛ lɛ chikfuu chi jé le yu yeye yeye yi nshɛŋ yinɛ le gɛ. Gɛ yimi nyu yu yi le njɛ ba kee kinyi kiyu sɛŋ gɛ.

¹¹ Geenɛ, muh nɛ ja wu tu wu jɛmɛ mɛnɛ a jé yi n'yuge gɛ le, tu wu lé wu nyúme njɛ muh wu kitun fɛ mɛnɛ, mɛ nyu tɛ njɛ muh wu kitun fɛ wu le.

¹² Ntu njɛmɛ bɛŋ le lɛ no bɛŋ goone lɛ bvunɣa bvu Kiyo ki Yuude dúunyi a bɛŋ ntɛnɛɛ, bɛŋ mo mɛ môn chuule ki bɛŋ kême nnya yiyɛɛ yi tanlo yi gê kintaashɛ ki bamii ba mbɛmɛ kúu lo.

¹³ Fí tu fí nyu lɛ, muh wù jɛmɛ jé yí ba kee gɛ yi gɛ, wu búune lɛ tanlo wu kɛɛ ki wu chíɛyi mwɛɛ muyu mù wu jɛmɛ bamii le.

¹⁴ Nɛ nja ntu mbuune a jé yí ba kee gɛ yi gɛ, tu mbuune a kiyo kan le, geenɛ n'ya mbuune gɛ bɛ bvufɛɛ bwan gɛ.

¹⁵ No fí le noo, nlé ngê nɛɛ? Nlé mbúune a kiyo kan le, mbuune tɛ bɛ bvufɛɛ bwan, n'yɛnɛ a kiyo kan le, n'yɛnɛ tɛ bɛ bvufɛɛ bwan.

16 Fuge noo sɛŋ, wo nɛ ja wo yuuse Nyo a kiyo kunj le, muh mu wù be bee fo wu yege gɛh lo wu ge nɛɛ fɛ wu bɛɛŋ lɛ, “Fi nyûme noo” yi kiyone kɪ wo be nya le nɛ wu be yuge jé yɪ wo jɛme sɛŋ?

17 Nɛ wo nya kiyone noo, wo nyaa chuule nɛɛ, tu gɛ tanlo fi fi muh mu wɛɛ gɛ.

18 Nnyaa kiyone Nyo le lɛ ɲkee ki nɲeme jé yɪ ba kee gɛ yi gɛ nfede bɛŋ bachii.

19 Geenɛ, mo no ɲkee ki nɲeme noo ndoo nyume a kintaasɛ ki bamii ba mbɛmɛ ntɛnɛɛ, ntu ɲkoŋɛ ki nɲeme mo nyu jé yishɛŋ, yi kɛme bvufɛ wu lɛ n'yêyɛ bamii bamu yu, fedɛ ki nɲeme jé banchvuge yuufe (10,000) nɛ ba kee yi sɛŋ.

20 Boonj ba bwɛɛŋ, keefɛ bɛŋ kême banƙwajɛ ba boonj ba shige shige gɛ. Bɛŋ nyûme gɛh nɲɛ mum-wone mu bwele mu kee gɛ wa fiɛ kune kimbefɛ gɛ. Geenɛ, bɛŋ kême banƙwajɛ nyu ba ɲgaamii.

21 Ba le ba saŋ a Nwa wu banchi le lɛ,
 “Mɛ wù Tada Nyo nɲeme lɛ nlé ɲgê nɲême,
 bamii banɛ le de yi bantolo le,
 a jé yɪ ba kee gɛ yi le gɛ.
 Geenɛ, gɛ fifiɛɛ nyu fi ge bamii banɛ mo bo yûge mɛne gɛ.”

22 Fi tu fi nyu lɛ, ki jɛmɛ jé yɪ ba kee gɛ yi gɛ, le nɲɛ fɛ bamii ba le gɛ ba mbɛmɛ le gɛ, gɛ nyu nɲɛ fɛ bamii ba mbɛmɛ le gɛ. Geenɛ, nnya ki teede bantunj ba Nyo le nɲɛ fɛ bamii ba le ba mbɛmɛ le, gɛ nyu fɛ ba le gɛ ba mbɛmɛ le gɛ.

23 Nɛ bɛŋ, kintaasɛ ki bamii ba mbɛmɛ lɛ kichii nɛ le ki to yi kintaasɛ le, muh wuchii mo wu kɛ wu jɛme gɛh nyu jé yɪ ba kee gɛ yi gɛ, bamii ba nchɛ

kɛnɛ bamii ba le gɛ ba mbɛmɛ le gɛ, bo ja bo lee, bo yu no bɛŋ jɛmɛ, bo gɛ kwajɛ lɛ bɛŋ ghaane lo gɛ?

²⁴ Geenɛ, nɛ muh wuchii teede nyu ntun wu Nyo, muh wu nchɛ kɛnɛ wu le gɛ muh mbɛmɛ gɛ lee, fiɛɛ fi bɛŋ jɛmɛ fi gɛ wu kɛɛ lɛ wu le muh wù befe, fi sâge wu fɛ fitele fie le,

²⁵ mwɛɛ mu nyile fɛ fitele fie le, gwenyɛ waan. Noo, wu mo wu tun anyuu fɛkuu, wu nyaa n'yuusɛ wu baan Nyo le wu duu lɛ, “Nyo le bɛ bɛŋ nchiɛŋ.”

*No tanlo kintaashɛ ki bamii ba mbɛmɛ bûune
ki gee mwɛɛ mù kooji*

²⁶ Boon ba bwɛɛŋ, fiɛɛ fichii fi njɛmɛ le lɛ la? Fi le lɛ, sege bɛŋ to yi kintaashɛ le, muh wù kɛmɛ nkeɛ ki wu yêŋ wu yɛŋ, muh wù kɛmɛ n'yeyɛ wu yeyɛ, wù kɛmɛ fiɛɛ fi Nyo le wu dunyɛ wu le wu jɛmɛ, wù keɛ ki wu jêɛmɛ jé yî ba keɛ gɛ yi gɛ wu jɛmɛ, wù keɛ ki wu chîɛɛyi jé yiyu bamii yuge wu chiɛɛyɛ. Bɛŋ kɛmɛ ki bɛŋ gêe mwɛɛ munchii a je yi kintaashɛ ki bamii ba mbɛmɛ kuu lo.

²⁷ Nɛ bamii le ki bo jɛmɛ jé yî ba keɛ gɛ yi gɛ, bo jɛmɛ gɛh bafɛɛ kɛnɛ batɛde maa. Nɛ bo doo bo jɛmɛ bo jɛmɛ wu mumwaa wu mumwaa, muh mu nyume wu chiɛɛyi mwɛɛ mù bo jɛmɛ bamii le.

²⁸ Nɛ muh baan nyu gɛ yu wù chiɛɛyi mwɛɛ mù bo jɛmɛ gɛ, bo mɛ gɛh jwe wuchile a kintaashɛ ki bamii ba mbɛmɛ ntɛnɛɛ, muh jɛmɛ gɛh nyu a shɛŋ a shɛŋ fɛ kikwɛɛ ke le bɛ Nyo.

²⁹ Nɛ bamii ba teede bantun ba Nyo le yu, bafɛɛ kɛnɛ batɛde bo jɛmɛ bamii le. Bo doo bo jɛmɛ bamu chɛge fiɛɛ fi bo jɛmɛ chuule.

³⁰ Nɛ Nyo ja wu dunyɛ fiɛɛ muh wu wù be shilɛ lo le, muh wù be jɛmɛ wa wɛɛ chii, wu nya je wɛɛ muh jɛmɛ.

³¹ Bɛŋ kɛɛ lɛ bɛŋ bachii tanlo bɛŋ tɛɛde bantun ba Nyo. Nɛ bɛŋ doo bɛŋ teɛde, bɛŋ teɛde muh wu mumwaa wu mumwaa wu lɛ bamii bachii yêyi mwɛɛ muntele muboo yufe tɛ.

³² Bamii ba Nyo le wu nya yiboo nnya nyu ki bo teɛde bantun be, bo kɛmɛ bvunga awe a nnya yiyu,

³³ nje gɛ Nyo nyu Nyo wù kɛŋse gɛ, Nyo le Nyo wu nyiɛgɛɛ.

No fi le a bintaashɛ bi bamii ba mbɛmɛ ba le ba Nyo le bachii,

³⁴ sege bikɛsɛ le a kintaashɛ ki bamii ba mbɛmɛ ntɛnɛɛ, bo nyû jwe wuchilɛ. Gɛ ba nya bo bɛ bvunga ki bo jɛmɛ gɛ. Bo kɛmɛ ki bo yûgɛ lo a bilɛŋsɛ le, nyu no nchi jɛmɛ.

³⁵ Nɛ fiɛɛ le yu fi bo goone ki bo kɛɛ, bo bii bilɛŋ baboo le sege bo tu jin yeh, nje le kinchoosɛ fɛ kwɛsɛ jɛmɛ a kintaashɛ ki bamii ba mbɛmɛ ntɛnɛɛ.

³⁶ Bɛŋ kɛɛ lɛ gɛ gɛ kɛ bɛŋ jɛ yi Nyo gɛ. Noo gɛ kɛ bɛŋ le? Gɛ ka bɛŋ ba jɛ yi Nyo le yi gɛɛŋ fo gɛ. Noo ka gɛh bɛŋ le?

³⁷ Muh wù kee lɛ wu le muh wù teɛde bantun ba Nyo, kɛnɛ wù kee lɛ Nyo le wu nya wu bɛ nya ye yi Kiyɔ ki Yuude, wu kɛmɛ ki wu bɛŋ lɛ fiɛɛ finɛ fi nsan fɛ bɛŋ le, le nchi wu nya Tada lɛ nsan.

³⁸ Nɛ muh baan bɛɛŋ gɛ fi gɛ, tu ba lé ba fân tɛ wu bɛ fie fiɛɛ.

³⁹ Boon ba bwɛɛŋ, fi mo fi nyu lɛ, bɛŋ gɛɛ shɛŋ chuule ki bɛŋ tɛɛde nyu bantun ba Nyo. Geɛnɛ, keefɛ bɛŋ fân lɛ keefɛ bamii jɛmɛ jɛ yɪ ba kee gɛ yi gɛ.

⁴⁰ Bɛŋ doo bɛŋ gee mwɛɛ munɛ munchii, bɛŋ kɛnyɛ chuule bɛŋ gɛɛ a jɛ yɪ jonɛ le.

15

Jiso Kletu gɛ bu yi kwe le

¹ Boonj ba bwɛɛŋ, ngoone mɛɛsɛ ki ntân bɛŋ kune saaka wù jonɛ wù nɛ nfejɛ bɛŋ le, bɛŋ fi bɛŋ lɛmɛ yiyu le mɛɛsɛ.

² Le saaka wuyu wunɛ wù bvûuse bɛŋ nɛ bɛŋ jiji chuule yi fiɛ fi nɛ nfejɛ bɛŋ le. Nɛ fuge noo sɛŋ, tu bɛŋ gɛ bɛmɛ gɛh achiji.

³ Bɛŋ kɛɛ lɛ nɛ nya fiɛ bɛŋ le nyu fishan a mwɛɛ le munchii, nyumɛ gɛh fi fi bo gɛ nya mɛnɛ. Fiɛɛ fiyu le lɛ Kletu gɛ bɛ wu kwe fɛ bimbefɛ biɛsa besabɛŋ le gɛh yɛɛnyɛɛŋ no ba gɛ san a Nwa wu Nyo le,

⁴ ba jiiyɛ wu, lɛ bu aju atade Nyo bvusɛ wu yi kwe le gɛh yɛɛnyɛɛŋ no ba gɛ san a Nwa wu Nyo le,

⁵ bɛ lɛ wu gɛ dunyɛ kikwɛɛ ke Bitale, * wu ka wu dunyɛ tɛ boonj bɛ ba ntunj ba yuufɛ ncho bafɛɛ le.

⁶ Wu to wu dunyɛ tɛ kikwɛɛ ke bamii ba mbɛmɛ ba le kijusɛ kimimia fedɛ muh gii yitɛŋ. Bamii ba duude ngoo yinɛ le baan gɛh yu, bamu kweeyɛ wa.

⁷ Wu to wu ka wu dunyɛ kikwɛɛ ke Jɛm le, wu mo wu ka wu dunyɛ tɛ boonj bɛ ba ntunj le bachii.

⁸ Doo nyumɛ ajin, wu dunyɛ tɛ kikwɛɛ ke mɛ wunɛ wu le nɛ mwa wù boyɛ chɛ gɛ bɛɛ gɛ aje aje gɛ.

⁹ Njɛmɛ noo nje nle lo nje muh wù ajin antɛnɛɛ a boonj ba ntunj ba Jiso le bachii. Mbaan mo nkojɛ gɛ

* 15:5 Jee chi Bitale chinɛ le a jɛ yi Glek le lɛ Sɛfa.

wù ba tɛɲe mɛ lɛ mwa wu ntun wu Jiso gɛ, nje ɲgè mboone bikaa a kintaashɛ ki bamii ba Nyo le.

¹⁰ Geenɛ, le nfii wu Nyo, wù ge fɛ mɛ nyume fiɛɛ fi nle mɛɛse. Gɛ nfii wunɛ wù Nyo gè nya mɛne gè lɛsɛ achiji gɛ. ɲgè bee nɛɲ nfe lo boon ba ntun ba Jiso bachii. Geenɛ, gɛ ɲgè lɛne bɛ bvunɲa bwan gɛ. Gè bee nfii wu Nyo wunɛ wù gè lɛne yi ye yan le.

¹¹ Fi mo fi nyu lɛ kɛnɛ gè bee mɛ wù gè nfeeji saaka wunɛ bɛɲ le, kɛnɛ gè feeji bo, tu le gɛh fiɛɛ fimimia fi besa bo feeji, bɛɲ gè bɛɛɲ fi le.

Besabɛɲ lé be bú tɛ yi kwe le

¹² Mɛɛse no bee feeji lɛ Kletu gè be wu bu yi kwe le, bɛɲ bamu ge nɛɛ fɛ bɛɲ tu bɛɲ duu lɛ gè bamii ba kweeyɛ wa nyu bo ge bo bú yi kwe le gɛ?

¹³ Nɛ fi le lɛ gè bamii ba kweeyɛ wa nyu bo ge bú yi kwe le gɛ, tu gɛ Kletu gè bu tɛ yi kwe le gɛ.

¹⁴ Nɛ le lɛ Kletu gè baan bu gɛ yi kwe le gɛ, tu fiɛɛ fi bee feeji le achiji, shɛɲ yɔ bɛɲ gɛle wu le le achiji.

¹⁵ Nɛ finɛ le noo, tu bee lɛme jin yi nsa wu Nyo yi achiji le, nje bee jienyi bee feeji lɛ wu gè bee wu bvusɛ Kletu yi kwe le nje wu gè bee wu bvusɛ sɛɲ, nɛ fi le nchiɛɛɲ lɛ gɛ bamii ba kweeyɛ wa nyu bo ge bo bú yi kwe le gɛ.

¹⁶ Nɛ finɛ le lɛ gɛ bamii nyu bo ge bo bu yi kwe le gɛ, tu gɛ Kletu gè bu tɛ yi kwe le gɛ.

¹⁷ Fi tu nyu lɛ nɛ Kletu gè baan bu gɛ yi kwe le gɛ, mbɛmɛ wene le achiji, tu bimbefɛ biɛna baan gɛh yi ye yene le.

¹⁸ Fi mo fi nyume tɛ lɛ bamii ba gè kweeyɛ a bo taashɛ wa bɛ ba Kletu le bo lɛsɛ wa achiji.

¹⁹ Nɛ besabɛɲ jiɲɛ fwe yi Kletu le jiɲɛ lɛ wu fi besabɛɲ nyu gɛh yi kinche kinɛ le maa, tu besabɛɲ

le bamii ba bamii ba yi won ƙfunɛ le bo kôode yii fɛ besabɛŋ le fede lo bamii bachii.

²⁰ Geenɛ, nchiɛɛŋ wuyu le ɛ Nyo gɛ bvusɛ Kletu yi kwe le. Kletu le muh wù fwe wù chɛle je fɛ bamii ba kweeyɛ wa le.

²¹ No muh wu mumwaa gɛ ge kwe to fɛ bamii le bachii, le gɛh yɛɛŋyɛɛŋ no muh wu mumwaa lé wu gɛ ɛ bamii tô bo bú yi kwe le.

²² Fi tu nyu ɛ no bamii bachii kwee nje bo le kfuu chi Adam le, le gɛh yɛɛŋyɛɛŋ no bo lé bo gɛ bamii bachii nyû yu nje bo le bamii ba Kletu.

²³ Geenɛ, muh lé wu gɛ wu búde gɛh ke kife le. Kletu le muh wù gɛ chɛle je wu bu. Sege wu ge doo wu kaase wu to, bamii ba le be mo bo bú tɛ.

²⁴ Fi ge doo fi kooshɛ noo, mo nyu kife kɪ won lé wu ká. Kletu lé wu gɛ wu chíijɛ bvunfon bɛ bvunga mo bvukugɛ bvuchii bvù sage mɛɛsɛ, wu mo wu chvûu bvunfon bwe Nyo wù le Chiji le.

²⁵ Kletu kɛme gɛh kɪ wu sâge gɛɛŋ bu sege Nyo lé wu gɛ wu gɛɛ bamii be ba kimbanɛ bachii a wu kuu wu tôme bikaa yi bo le.

²⁶ Muh wu kimbanɛ wù ajiŋ wù wu lé wu gɛ wu mɛsɛ wu chíijɛ le kwe.

²⁷ Le fiɛɛ fi ba gɛ san a ŋwa wu Nyo le ɛ,
“Nyo le wu gɛɛ wa mwɛɛ munchii a wu kuu,
wu tu wu sage.”

Geenɛ, kɪ njɛme ɛ mwɛɛ munchii le a wu kuu gɛ mo nyu ɛ Nyo wù le wu gɛɛ mwɛɛ munchii a wu kuu nyu tɛ a wu kuu gɛ.

²⁸ Lé gɛ nyûme sege mwɛɛ munchii le wa a Kletu kuu wu sage, wu wù Mwa Nyo mo wu gɛɛ kikwɛɛ ke a Chiji kuu wù gɛle mwɛɛ munchii a wu kuu,

wu le Nyo mo wu nyu awe a fiɛɛ fichii manjuu le manchii wu sage.

²⁹ Baan nyu ge le bamii ba kweeye wa le bo ge bo kaase bo bu yi kwe le, bo tu bo leese bamii a juo yi kijuse ki bamii ba kweeye wa le nje la? Bamii ba bo leese a juo noo, maaje wuyu nyume la fe bo le?

³⁰ Bee te bee jienyi bee yuu ye kife kichii ne nje la?

³¹ Boon ba bwɛɛɛ, nle jwe wu kwe le aju achii. Njeme mweɛ mune ne nje n'yuɛ ye yi fiɛɛ fi Kletu Jiso wu Tada wese besabeɛ le wu fe fe beɛ le fede chiaaɛ yaɛ le.

³² Ne baan nyu ge le bamii ba kweeye wa le bo ge bo bu yi kwe le, no bamii to bo jeme mweɛ, nge ngeɛɛ Efesu, bamii ba nage nje nyaɛ yi nchvuun tu bo juu besa bo, bo goone ki bo saaye lo me, le maaje wuyu le la? Ne nfaɛ nlu lo, ndu le fi nyume no bo to bo jeme le, “Besabeɛ ji mweɛ, bee muu nje fewege bee bude be kweeye” ge?

³³ Keefe muh leede be beɛ ge. Beɛ kee le, “Ne muh wu kinge ke jone jienyi be ngoo yi befe, ngoo yiyu cheɛ be wu.”

³⁴ Beɛ teɛɛ bvufɛ bwena jin, beɛ chine kimbefe le. N'yede le ge beɛ bamu kee Nyo ge. Njeme ne ki nge le beɛ keme bvuya.

Ye yi bamii le bo ge bo bu yu kwe le

³⁵ Tanlo muh mu ja wu biide le laa bamii le bo ge bo buɛ yi kwe le neɛ la? Bo le bo ge bo keɛ nyume kfuɛ chi ye yi neɛ la?

³⁶ Weɛ muh wu biide noo le kiyun. Ge wu kee le ba to ba boon fiɛɛ fi kwe fe fi buuje ge?

³⁷ Gɛ ye yi fɛɛ fi ba bonɛ nyume yi to yi buujɛ yi tu yi kuu gɛ. Ba bonɛ gɛh nyume ŋgo lɛyilɛyi, kɛnɛ nyume ŋgo yi agin, kɛnɛ nyume yi la,

³⁸ Nyo mo wu nyá ŋgo yiyu bɛ ye yi wu koŋɛ. Wu nyaa ye yeye yeye bii no kfuu chi ŋgo yiyu le.

³⁹ Gɛ mwɛɛ munchii kɛme nyan yi ye yɛɛɲyɛɛɲ gɛ. Bamii kɛme yiboo nyan yi ye yeye, nyán kɛme yiboo, munyii kɛme yiboo, bíɛɲ kɛme tɛ yiboo ye.

⁴⁰ Mwɛɛ mu we le a yiboo je le, mu fɛkuu le a yiboo je le. Mwɛɛ mu we kɛme bvuboo bvujonɛ, mu fɛkuu kɛme bvuboo bvujonɛ.

⁴¹ Juu kɛme bwɛ bvujonɛ, kwii kɛme bwe bvujonɛ, jóŋ kɛme tɛ bvuboo bvujonɛ. Gɛ jon yimi bɛ yimi mo kɛme bvujonɛ yɛɛɲyɛɛɲ gɛ.

⁴² Le gɛh yɛɛɲyɛɛɲ no ye yi bamii lé yi gɛ yi nyúme sege bo bude yi kwe le. Ba to ba jiiyɛ muh ye ye fo, geenɛ gɛ ye yi wu lé wu bú yu yi kwe le baan yi fo gɛ.

⁴³ Ba jiiyi muh bɛ ye yi chuunyi gɛ chuule gɛ, yi kɛme gɛ bvunɲa gɛ. Geenɛ, wu lé wu tô wu búde yi kwe le bɛ ye yi kɛme bvujonɛ, yi kɛme bvunɲa.

⁴⁴ Ba jiiyi muh ye ye nyu yi muh wu wun. Geenɛ, wu lé wu tô wu búde yi kwe le bɛ ye yi nyume wa yi kiyo. Nɛ ye yi muh wu wun le lo, tu ye yi kiyo le tɛ lo.

⁴⁵ Noo ba le ba san le, “Adam wù fwe gɛ bee yu wu yɛnɛ.” Lɛ tu fɛ Adam wù ajin le, wu tu nyume fie kiyo ki nyaa kinche bamii le.

⁴⁶ Gɛ muh to wu ya wu kɛme ye nyu yi kiyo gɛ. Wu to wu ya wu kɛme nyume ye yi muh wu wun fɛ wu kɛme yi kiyo.

⁴⁷ Adam wù fwe ba gɛ fɛ wu bɛ kibvunɛ. Adam wù ajin gɛ ja fie fɛwe

48 Bamii ba fɛkuu fɛnɛ le nɛ muh wù fwe wù ba gè fɛ bɛ nshɛɲ, bamii ba fɛwe le nɛ muh wù gè ja fɛwe.

49 No besabɛɲ le bee jo nfiɛnɛ yi muh wù ba gè fɛ bɛ nshɛɲ, le gɛh no besabɛɲ le bee jo yi muh wù gè ja fɛwe.

50 Boon ba bwɛɛɲ, nsɛɲɛ bɛɲ lɛ gɛ tanlo ye chinɛ yĩ le nyan bɛ kilɛmɛ to ki kɛmɛ kijusɛ antɛnɛɛ a bvunfon bvɛ Nyo gɛ. Gɛ tanlo tɛ fiɛɛ fi tanlo fi fô to fi kɛmɛ kijusɛ fɛ fiɛɛ foo gɛ fo gɛ.

51 Bɛɲ yêgɛ bɛɲ yû nsɛɲ bɛɲ kinyilɛ ki fiɛɛ. Gɛ besabɛɲ bachii nyu be gɛ be kwêeyɛ gɛ. Geenɛ ye yese besebɛɲ bachii le yi já yi kûsɛ.

52 Ba doo ba ton son yĩ fɛkimɛsɛ, ye yese besebɛɲ mo yi kûsɛ nɛ mwanɲ no muh to wu babe jise. Son gɛ doo chi jɛmɛ bamii ba kweeyɛ wa mo bo bû yi kwe le, bɛ ye yĩ baan gɛ yi fo gɛ, besabɛɲ ba baan yu mo be kusɛ lo.

53 Ye chinɛ yĩ tanlo yi fô kɛmɛ ki yi kûsɛ yi tu wa nyu yĩ tanlo yi gɛ fo gɛ. Ye yĩ tanlo yi kwê kɛmɛ ki yi kûsɛ yi tu wa yĩ tanlo yi gɛ kwe gɛ.

54 Sege ye yĩ tanlo yi kwê yi fô kûsɛ wa yi tu yĩ tanlo yi kwe yi gɛ ka yi fo gɛ, fiɛɛ fichii mo fi kôjɛ no ba gè san a Nwa wu Nyo le lɛ,

“Ba le ba so wa kwe ba ngode bvunɲa bwe.

55 O kwe, bvunɲa bwun le faan?

O kwe, gwɛɲ wo wu wo taa bamii yu le faan?”

56 Gwɛɲ wu kwe le kimbefɛ, bvunɲa bvɛ kimbefɛ le nchi wu Nyo.

57 Geenɛ besabɛɲ nyâa kiyone Nyo wù le wu taasɛ besabɛɲ bɛ Tada wese besabɛɲ wù Jiso Kletu besabɛɲ nyu be soo kimbefɛ mo kwe.

⁵⁸ Noo boon ba bwɛɛŋ ba le shɛŋ yaŋ, bɛŋ lɛme bɛŋ tɛɛme. Keefe fiɛɛ shɛŋshɛ lo bɛŋ gɛ. Bɛŋ nyâ ye yene yichii yi lɛme chi Tada le segechii. Bɛŋ kɛɛ lɛ gɛ lɛme chɪ muh gee nje Tada le chi gɛ chi lɛɛ achiji gɛ.

16

Nnya ki ba fi bamii ba Nyo yu

¹ Nle njɛmɛ mɛɛɛɛ kune nnya yɪ ba nyaa ki ba fi bamii ba le ba Nyo yu. Bɛŋ gɛɛ gɛh yɛɛnyɛɛŋ no nge jɛme bintaasɛ bi bamii ba mbɛmɛ bi Galɛshian gɛɛ.

² Sege le juu chɪ fwe yi kima le kichii, muh wu mumwaa wu mumwaa baa fiɛɛ wu seɛɛ wu gɛɛ. Muh doo wu baade, wu baa gɛh no Nyo le wu buu wu. Nge ndoo nto bɛŋ gɛ ka bɛŋ she bɛŋ suge lo kinsu gɛ.

³ Nge ndoo nfɛɛɛ, mɛ mo nsân ŋwa ntâa fɛ nya yene le, bamii ba bɛŋ le bɛŋ baa bo mo bo jô bo gɛɛŋ bɛ yi Yelusalɛm.

⁴ Nɛ fi le fi koje bɛŋ le lɛ ngɛɛŋ tɛ, besa bo mo be gɛɛŋ.

Mwɛɛ mù Bol gɛ kwaji ki wu gɛ

⁵ Nlé ngɛ n'ya nfe je Masɛdonia sege ntoo a bɛŋ le, nje ngoone ki nfe je yo.

⁶ Tanlo besabɛŋ chɛ, bee chɛ mo nyu kife ki fi doo ki fe, wu lɛ bɛŋ ge bɛŋ fɪh mɛ yi jienyi wan le, mɛ mo ngɛɛne a ngɛɛne yo.

⁷ Ngoone lɛ nge ndoo nto a bɛŋ le mɛɛɛɛ besabɛŋ gɛ yɛnɛ gɛh lo we we gɛ. Njiɛne fwe, ŋkee lɛ nlɛ ngɛ ntô besabɛŋ bosɛ ye be che, fɛ Tada fɛnɛ le wu bɛɛŋ.

⁸ Geenɛ mbaan nche Efesu yanɛ nɣɛɛɲ mbu juu chi Nka wu Bɛntɛko.

⁹ Kimbuɲ kɪ baan le ki gwenyɛ fɛ mɛne yanɛ ki nɣêe lɛme chi Nyo, mo no bamii ba duude bamu le yu bô bane lɛme chinɛ nɛ.

¹⁰ Sege Timoti to, bɛɲ yêɲ lɛ bɛɲ lé bɛɲ gê wu yûge njon a bɛɲ ntɛnɛɛ, nje wu gee gɛh lɛme chi Nyo yɛɛɲyɛɛɲ no nɣee.

¹¹ Keefɛ muh lâase wu gɛ. Bɛɲ ge bɛɲ fi wu wu lɛɲ bɛ nyiɛgee wu tû jin fɛ mɛne, nje besa boon ba bwe wese chiɛne wu.

¹² Fi kune mwa bwe wese besabɛɲ wù Abolo, nche nɛgɛ wu weseɛ lɛ wu lâ jigɛ a bɛɲ le bɛ boon ba bwe wese besabɛɲ bamu baa, geenɛ wu baan kon gɛ mbɛɲ ki wu tô mɛese gɛ. Wu ge doo wù kɛmɛ je, wu mo wu tô.

N'yɛsɛ bɛ kimɛsɛ ki njɛmɛ

¹³ Bɛɲ doo bɛɲ nyume bɛɲ yêne. Bɛɲ lême bɛɲ tɛɛme yi mbɛmɛ wene le, bɛɲ nyûme bamii ba kɛme muntele, bɛɲ lême bɛɲ têɛme.

¹⁴ Bɛɲ doo bɛɲ gee fiɛɛ fichii bɛɲ gee bɛ kinjonɛ.

¹⁵ Bɛɲ kêe lɛ Tɛfina bɛ yeh ye le bamii ba fwe a kimbe kɪ Akɛya le bo gɛ ya leesɛ fitele yi Tada le. Bo nyâ bikwɛɛ biboo ki bo fi bamii ba Nyo. Boon ba bwɛɛɲ, njkude chiaaɲ bɛɲ le,

¹⁶ lɛ bɛɲ yûge bamii le nje banɛ, bɛɲ ka yûge tɛ muh wuchii wù le wu taasɛ bɛ bo bo lɛne yi fiɛɛ le fimimia.

¹⁷ N'yuge njon no wu wù Tɛfina bɛ Fotunatu mo Akaku le bo to ki bo yɛɲ mɛne. No n'yɛɲ bo le fi mo fi nyu lɛ nle n'yɛɲ wa bɛɲ le.

¹⁸ Bo le bo jiɛɛɛ fitele fian ɣɛh yɛɛɛyɛɛɛ no bo jiɛɛɛ mwɛna. Bamii nɛ banɛ beɛ kɛme ki be ŋgvûune bo.

¹⁹ Bintaashɛ bi bamii ba mbɛmɛ bi Ɛsia yanɛ yɛɛɛɛ bɛɛ le. Akwela bɛ Blisila mo kintaashɛ ki bamii ba mbɛmɛ ki shiide a bo yeh yɛɛɛɛ bɛɛ le bɛ fitele fichii a jee chi Tada le.

²⁰ Boonɛ ba bwe wese besabɛɛ ba mbɛmɛ chiinɛ tɛ n'yɛɛɛ. Bɛɛ yêɛɛ muh le wuchii bɛɛ kfûɛ bo a je yĩ yuude le.

²¹ Wunɛ n'yɛɛɛ sanɛ mɛ wù Bol bɛ kibo kanɛ.

²² Nɛ muh le yu wù konɛ ɣɛ Tada ɣɛ lôɛ koo wu. Kii Tada wese kaasɛ to.

²³ Tada Jiso dûnyɛ fitele fi jonɛ fɛ bɛɛ le.

²⁴ Kinɛkonɛ kanɛ nyûme fɛ bɛɛ le segechii no besabɛɛ le beɛ taasɛ yi Kletu Jiso le. Fi nyûme noo.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337